

16102

891.99

7-52

1920


ՅԱՐՈՒԹԻՒՆ Ս. ՊԵՐՊԵՐԵԱՆ

ՑԵՂԻՆ ՅԱՐՈՒԹԻՒՆԸ

(ՇՍՀԱՆ Ռ. ՊԵՐՊԵՐԵԱՆԻ ՅԱՌԱՋԱՐԱՆՈՒ)



Փա՛նք Յեզին Հոյիին.
Յիւր անգամ համասակ եւ բիւր
անգամ կենդանի սիեզերանանց
Հոյիին.
Փա՛նք իր Յաղքանակին:



Կ. ՊՈԼԻՍ

ՍԿԻՒՏԱՐ ՊԵՐՊԵՐԵԱՆ ՎԱՐՃԱՐԱՆ

1920

1920 33

Սեպտեմբերի 1920 թ. 14
Հարգելի և արթուն:

72-920 ՅԱՐՈՒԹԻՒՆ Ս. ՊԵՐՊԵՐԵԱՆ *Երևան*

891.99
Պ-52

ՅԵՂԻՆ ՅԱՐՈՒԹԻՒՆԸ

(ՀԱՂԱՆՆ Ի. ՊԵՐՊԵՐԵԱՆԻ ՅԱՌԱՋԱՐԱՆՈՎ)



Փա՛նֆ Յեղի՛ն Հոգի՛ն.
Քի՛ւր անգամ անհասակ եւ բիւր
անգամ կենդանի սիեգեառմանց
Հոգի՛ն.
Փա՛նֆ ի՛ր Յարթանակի՛ն:



Կ. ՊՈԼԻՍ

ՍԿԻՏԱՐ ՊԵՐՊԵՐԵԱՆ ՎԱՐՃԱՐԱՆ

1920

Handwritten scribble in blue ink



1646-88
80290 աւել

ՅԱՌԱՋԱԲԱՆ

Սիրելի Յարութիւն Պէրպէրեան.

Կը փափաքիս որ քու անդրանիկ այս երկին համար գրեմ առաջին խօսք մը : Հրճուանքով կրնամ ըսել որ այդ պիտի ըլլայ շնորհաւորութեան խօսք մը :

Ուրախալի է տեսնել որ քաջութիւնը ունիս ընելու ինքզինքդ արդէն հրատարակուած հեղինակ : Քու առաջին այս երկիդ անշուշտ կը պակտի տակաւին այն ձեւի կատարելութիւնը որ կը յատկանշէ գրագէտը երբ արդէն «վարպետ» մըն է ան : Բայց քու գործիդ արժանիքը պէտք է ուրիշ բանի մէջ փնտռել և այդ բանը ինքնին հրատարակուելու իրաւունքը կը ծածկէ իր մէջ : Հզօրապէս և ամբողջապէս ապրուած կեանքը ու անոր անկեղծ, բղխուն ու ինքնաբեր արտայայտութիւնը, ահա ինչ որ կը յատկանշէ գործը և ինչպէս ըսի, այդ միակ բանը իր մէջ ունի իրաւունքը ի լոյս ընծայուելու :

Երկդ ինձ խորհիլ կուտայ երկու Տուսներու
որ զուգանեաբար կը կատարուին ու կը զարգա-
նան մին միւսին կապուած մին միւսին արձագանգ :
Երկու Տուսներ . մին՝ Մեծ Տուսը ամբողջ աշ-
խարհի մը , միւսը անոր արձագանգ հոգիի մը
Տուսը : Բայց այն հոգին որուն մէջ կ'արձագան-
գէ Մեծ Ողբերգը , ատեն մը վերջ ինք կ'առնէ
առաջնութիւնը և իր մէջ կը ծլեցնէ լուսաւոր
վերջարանը որուն այս անգամ իր կարգին պիտի
արձագանգէ Մեծ Աշխարհի Տուսը իր լուծման
մէջ :

Այդ Աշխարհը Հայաստան Աշխարհն է , այդ մեծ
Տուսը հայ մահացումին և աւերումին եղերերդն է :

Ու այն հոգին քու հոգիդ է , քու հա-
յաստանցի պատանիի ու երիտասարդի հոգին :
Հոն ծլած , սնած , սիրած պատանիի հոգիդ որ
լոյսի սէրէն այս ափերը նետուած ու իր բուն
աշխարհէն կտրուած հեռուէն ապրեցաւ իր Աշ-
խարհին , մեր աշխարհին աւերումը ու մահա-
ցումը . .


Բայց այդ բոլոր մահացումներէն վերջ , Ե-
ղեռնին ամբողջ կատարումէն վերջ , քու հոգիդ
իր մէջ իր խորքին մղումով , իր ներքին ու ար-
մատական կեանքով կը վերածնցնէ Նոր Հայ Յեղը ,
Յաւերժական Հայ Յեղը իր մէջ , Յարութիւն կուսայ
Յեղին : Անշուշտ այս անգամ հայաստան աշխարհը

իր կարգին պիտի իրականացնէ , քու հոգիդ մէջ
արդէն կատարուած իր վերնձիւղումը ու ամէնը-
նիս , ցեղովնիս հոն պիտի «երթանք բարով» ինչ-
պէս կը գոչես :

Այս ամբողջ ապրումները անկեղծ խանդով
ու երբեմն նոյնիսկ սիրելի միամտութեամբ ըսուած
կը կազմեն հրապոյրը գործիդ ու զայն կընեն
յուզից գործ մը որուն համար կը շնորհաւորեմ
քեզ :

Լաւագոյն մաղթանքներով :

Շ. Ի. ՊԵՐՊԵՐԵԱՆ



Այն օրերուն ի՛նչ երջանիկ էիր դուն, եղ-
նի՛կ, իմ քո՛յր եղնիկ, իմ մա՛յր եղնիկ :

Ծարաւի էիր, ժայռերը իրենց ստինքները
կը բանային, կաթնահամ աղբիւրներ կը վազցնէ-
ին. անօթի էիր, ծործոր ու ծմակ թարմարոյր խո-
տերով սեղաններ կը թարզարէին :

Իրիկունք, յոգնած էիր, զեփիւռները վար-
զերու բաժակներով խանդ ու կազդոյր կը ներար-
կէին հողիդ : Առտուն, դեռ կը մրափէիր, արեւը
նեարդներդ գգուելով ու խողտացնելով կ'արթըն-
ցընէր քեզ : Արտեւանէ արտեւան եղնիկային
արշաւներէդ կը քրտնէիր, ծառերը իրենց գովա-
հար հովանոցները կը բանային : Հապա իմացական
սէրն ու գուրգուրանքը անասուն ընկերներո՛ւդ . .
«Քայց ասիկա ա՛յ երջանկութեան չափազանցու-
թիւնն է Աստուա՛ծ, բացազանչեցիր : Այլուէսը առ-
ջեւս կ'իյնայ, զժուարին անցքերու մէջէն դեռ
թարթափուն քայլերս կ'առաջնորդէ : Գայլը կուշտ
կուշտի կը քալէ ինձի հետ և անուշահոտ իւզի
մը պէս մարմինս կը հոտուրտայ» :

Անցան օրեր : Երջանկութիւնը անվերադարձ
գնաց, հեռացաւ և յուսախարութիւնը եկաւ տի-
րեց քու հոգուն, եղնի՛կ, իմ հողեհատոր եղնիկ :
Այլուէսը չէր սիրեր քեզ, ոչ ալ գայլը : Մին կը
հետամտէր թակարդի մէջ ձգել քեզ և միւսը մար-
մինդ կը հոտուրտար մտիդ համը առնելու համար :
Այսպէս ըլլալուն փորձով համոզուեցար դուն ու
այն ատեն, յուսարեկ ու դառնասիրտ, իջար ցած,
նուիրական բարձունքներէդ, զէպի գեանամած
գաշտերը, փոշոտ, մզլոտած ճամբաները, ու պա-

հուրտեցար մացառներու մէջ, մութ, խաւա-
բապատ անձաւներու մէջ :

Բայց դուն աստուածատուր առաքելութիւն
մը ունէիր. նպատակը կեանքիդ արեւն էր եւ ա-
զատութիւնը : Գո՛ւն սիրահար անապական լոյսին
և անհորիզոն, անպարփակ ազատութեան, այդ
մացառներուն, այդ մութ, այդ անլոյս բաւիղնե-
րուն մէջ գիշեր ցերեկ կաշկանդուած, բանտուա՛ծ :
Սիրադ փղձկեցաւ. հեծելով, ողբալով ելար գացիր
Աստուծոյ : «Աստուա՛ծ, թշնամիներ ունիմ. զէնք
տո՛ւր ինձի պաշտպանուելու համար» : Բարին Աստ-
ւած լսեց աղերսանքդ, զոյգ մը եղջիւր բուսցուց
ճակտիդ վրայ :

Խանդափառ և յուսալից, վերադարձար աշ-
խարհդ. եղջիւրներուդ մինակ ապաւինած՝ դուն
անցար կաշկանդիչ բաւիղներէն, գեանամած
գաշտերէն, փոշոտ ճամբաներէն ու վե՛ր ելար,
նորէն բարձրացար զէպի սարերը, զէպի ալպա,
ջինջ ու արփուէտ բարձունքները :

Նորէն գտեր էիր երջանկութիւնդ . . . ծարաւի
էիր, պաղպաղուն աղբիւրներ, նորէն անս՛ւշ անուշ
կը գլխային : Անօթի էիր, թարմարոյր խոտերով
ու գունագեղ ծաղիկներով նորէ՛ն կը յարդար-
ւէին հովիտ ու ծմակ : Իրիկունք, գովանուշ զե-
փիւռները նորէն կուգային : Առտուն, արեւը նո-
րէն կուգար քնքջօրէն կատակելու հետդ : Ծառերը
նորէն իրենց հովանոցները կը բանային երբ կը
քրտնէիր :

Անասուն ընկերներուդ սէրն ու բարեկամու-

Թիւնը դարձեալ քեզի հետ էր : Ազուէսը դարձեալ
առջեւէդ կը քալէր . . . Միայն գայլը չկուր :

Մօտեցեր էր ան կրկին բարեկամանալու հետդ ,
բայց «վա՛տ , բարեկամութիւնդ չե՛մ ուզեր» .
ըսել էիր ու երես դարձուցեր էիր իրմէ :

Ու ան , գայլը , ճակատագրական այս ցամ
թշնամիդ , քեզմէ հեռու բայց մի՛շտ նենդօրէն կը
հետապնդէր քե՛զ միտիդ իր կիրքը յաղեցնելու
համար :

Եւ օր մը , անյուսին , անատող գիշեր մը ,
ձորի մը մէջ դէմ առ դէմ եկաք :

«Մօտեցի՛ր , անպիտան , գէնք ունիմ՛ , ա՛յ
չպիտի փախիմ՛» , ըսիր . ժանիքները ցցեց , կա-
տողի հանդիւճն մը սունայ ու մօտեցաւ : Ամուր
կեցար կծղակներուդ վրայ : Վեր վերցուց թաթերը
ու նետուեցաւ վրայ . ճանկերը թաղուեցան մի-
սերուդ մէջ : Չտկարացար , պահեցիր անվեհերու-
թիւնդ , եղջիւրներդ պրկեցիր և հարուած մը ,
եղջիւրի հարուած մըն ալ դո՛ւն տուիր : Փրփրած ,
կատղած , լորձնոտած , ժանիքներովը սկսաւ մի-
սերդ պատուակ : Ատուածային անվեհերութիւնդ
տկարութիւնը չճանչցաւ . կրկին ու կրկին հար-
ուածեցիր դուն :

Երբուձէդ բզկի բզկի մտերը կախուեցան դար
վար . արիւնները սկսան հոսիլ ալիք ալիք . ու-
ժասպառեցար , նուազեցար , դարձար ամենաաղօյգն
հարուած մը տալու իսկ անկարող :

Ե՛զնիկ , ե՛զնիկ , իմ յօշոտուած , արիւնաքամ
եզնիկ , գայլը հիմակ կոկորդէդ բռնեց :

ՄԱՅՐՍ

Երբորս՝ Սեյրակին

Մեկնումի անագանգր հնչեց , ինչո՞ւ կը յամե-
նաս , մա՛յր : Մարդ չմնաց , ամէ՛նը , ամէ՛նը ,
դուռ , դրացի , իրենց տուներէն դուրս թափուե-
ցան , դո՛ւն , ներսիտունը , սիւնին քովիկը ինչո՞ւ
անշարժ կը մնաս : Մտայլդ , ձեռքդ երեսիդ վրայ ,
ի՛նչ կը նայիս թանիրին , ծուխը բուրդ բուրդ անկէ
վեր կը բաձրանար , եփած հացերուդ վրայ՝ դ՛ր
հարող կը շարէր , անկէ արեւը իր շողերը կը
թափէր . մուցա՞ր : Օճախն է , մա՛յր , առտու ,
իրիկուն կրակ կը վառէիր մէջը , կաթ կը տաքցը-
նէիր , կերակուր կ'եփէիր , ինչո՞ւ այդքան կը նա-
յիս : Չե՛ս յիշեր , ինչո՞ւ չես յիշեր . առտուն
դո՛ւն ծալեցիր . իրարու վրայ դո՛ւն դրիր . ան-
կողիններն են մա՛յր : Ամաններուն մի՛ նայիր , բուռ
բուռ դրամ՝ տուիր , դո՛ւն գնեցիր , հայրս գնեց :
Գորգերուն , փուսներուն մի՛ նայիր , գիշեր ցորեկ
վրանին նոտամ՝ կար կընէիր , գուլպայ կը հիւ-
սէիր : Հոգիդ բերանդ եկաւ և աչքերուդ լոյսը
խաւարեցաւ մինչև որ հարսիդ հետ մաղեցիք ,
հատիկ հատիկ ընտրեցիք : Սերմնցուն է , ձաւարն
ու կորկոտն է , մի՛ նայիր , մա՛յր մի նայիր :

Դրան վրայ սև ստուեր մը երեւցաւ : Շո՛ւտ , շու՛տ , տունէն դուրս : Բայց սպտակ , մայր — «Բուսը գոցէ , մայրի՛կ ,» դրան բանալին է , ինքը չի կրնար , հարսդ , անձարակը , քեզի կուտայ որ դուն գոցես :

Գարձո՛ւր , մայր , մէ՛կ . . . երկրորդ մա՛լ : Ձեռքերդ ինչո՞ւ կը դողան . պահ . բանալին ինկաւ ձեռքէդ : Քու ձեռքերդ այսպէս թուլցած և բանալին գետին ձգած չէին բայց , մայր : Դուն , մէ՛կ , երկու , և արդէն գոցած կըլլայիր : Աստուած , աչքերուդ մէջ արիւն կուգայ . գլուխդ ուսիդ վրայ կ'իջնայ . . . դէմքդ դունատեցաւ . . . ծունկերդ կը կիթոտին . . . բայց ինչո՞ւ . . . ամէն անգամ դո՛ւն էիր գոցողը . քու աչքերուդ մէջ ե՞րբ արիւն եկեր էր , գլուխդ ե՞րբ կախուեր էր ուսիդ վրայ , դէմքդ ե՞րբ այսպէս դալկացեր էր , ըսէ , մայր , ծունկերդ ե՞րբ կիթոտեր էին :

Դեռ ուժ կը գտնես և կուգա՞ս : Վերջին զաւակ մը մնացեր էր , ան ալ ձեռքէդ ալիքները խլեցին տարին , ալ ինչո՞ւ կուգաս , մայր , ալ ով կայ , ո՞վ կը սպասէ քեզի : Կատաղի , հեղեղավազ ալիքներուն դէմ ջիղերուդ բռնածիգ պրկումով սգորումդ ինչ է , մայր , ըսէ , ինչո՞ւ համար է :

Դեռ ամենավերջին յո՛յսդ կայ , դեռ պանդուխտ զաւակդ կայ :


Ինկաւէտ պաշտամո՛ւնք քեզի մայր , աստուածակուռ անմահական կորովիդ , հաւատքիդ : Ոգորէ՛ , սգորէ՛ , այդպէս ջիղերուդ վերջին ճիգը

քամէ՛ , պրկէ՛ և հասի՛ր , ան , մայր , շո՛ւտ , հասի՛ր եզերք , պանդուխտ զաւակդ հո՛ն է :

Առաւօտեան պէս , որ համբոյրի ցօղով կեանք կուտայ , կը ժպտեցնէ թարշամած վարդը արեւին դիմաց , առաւօտ մըն ալ դո՛ւն եզլիր , հասի՛ր մայր , ցօղիկ համբոյրով մըն ալ դուն ժպտեցուր , դո՛ւն ալ յուսահատ , ախուր , պանդուխտ զաւակդ :

Ս՛ն ալ քո դիմաց . . . :

1916



ՄԱՄԻԿԱ ԿԸ ՄԵՂԱԴՐԷ

Ինչ որ սիրելի էր քեզի, զաւկըններու պէս
կը գուրգուրայիր վրանին, ծրար ըրիր տարիւր եկե-
ղեցիին մէջ անկիւն մըն ալ դուն գրիր. Մամիկ :
«Ս. Յովհաննէս, անունիդ մեռնիմ, հրաշք ըրէ ըսիր,
դրանդ մտեցող դողին ձեռքերը ետեւը կապէ» :

Հիմա մեղադրանք կ'ընես, մամիկ. ծրարիդ
փոշին անգամ չեն թողուցեր սրբեր տարեր են :
«Հարս եղեր եմ չեմ եղեր դուռդ եկեր եմ իրկու-
առտու. ժամուց տուեր ու առջեւդ մոմ վառեր
եմ : Դուն փոխարուց հրաշք մը չըրիր» :

Մի' մեղադրեր, մամիկ. Ս. Յովհաննէսին
մեղադրանք մի' ըներ : Չթողուցին որ հրաշք ընէր,
կրակի տուին, ծուխ ու մոխիր դարձուցին խեղ-
ճը, մամիկ :

Սուրբ Աստուածածնայ վանքը բարձրը լեռան
վրայ էր, իր ստորտը գիւղն էր փռուած իր ար-
տերով ու արօտներով. «Ս. Աստուածածին, գօ-
րութեանդ մեռնիմ, գիւղին չորս ծայրերուն վրայ
արտեր ունիմ, սուրբերովդ տիրութիւն ըրէ, ա-
նօրէններ չկոխտեն, չկերցնեն» :

Մի' մեղադրեր, մամիկ, արտերուդ մէջ շիւղ
մը անգամ չթողուցին անօրէնները. կերցուցին,
կոխտեցին : Քնաչին ու անուանդ օրը բոսիկ,

ուրդ կուգայի, ժատաղ կ'ընէի ու մատղին մէկ
ուրք անպատճառ աղքատներուն կը բաժնէի» :
Չթողուցին որ տիրութիւն ընէր, մի' մեղադրեր,
մամիկ, մի' մեղադրեր : Աւերեցին, քանդեցին,
խեղճին գմբէթն ու խորանը գետնին հաւասար
ըրին :

Միամիտ ես մամիկ, մենք հոս չըլլանք, ալ
երկնուց վրայ արեւ կուգայ : «Գարունը պիտի
գայ, դուն ալ հետը եկուր, արեւ, պարտէզիս
ու էգիներուս համար, եկուր, մեղք են, աղբիւր-
ներով արիւն քրտինք թափեր ենք վրանին, ե-
կուր թփռեցուր ու կանչցուր» : Ճիւղ մը, թուփ
մը չկանչցաւ ու չթփռեցաւ պարտէզներուդ ու
էգիներուդ մէջ մամիկ :

Մի' մեղադրեր, արեւը մի' մեղադրեր. գա-
րունը եկաւ, սեւ ամպերն ալ հետը, ա'խ, մամիկ.
Գարունը մինակ ձգեցին, արեւը սեւ դագաղ ը-
րին, առին ու տարին, Սագածորայ լեռներուն
ետին, մամիկ, տարին թաղեցին :

Մեր գիւղին համար ամէն օր վրան լուսին ու
աստղունք կուգային կը շարուէին : «Միշտ եկէք,
երեւացէք, լուսիկ ու աստղուք, մութ չըլլայ, ա-
նօթի քուրդեր տունս չմանան» :

Մասն, մամիկ, բարիքներուդ մինչև վերջին
հատիկը շալակ ըրին, վերցուցին տարին : Մի' մե-
ղադրեր, մամիկ, աստղուքն ու լուսինը մի' մե-
ղադրեր : Գիշերուան չթողուցին որ պահպանու-
թիւն ընէին : Յերեկը գողցեր էին, մամիկ :

«Աստուած, էրկնուց, գետնուց արարիչ Աստ-
ուած, ողորմութիւնդ ու գթութիւնդ անպակաս

ընես, մերկ չթողուս, անօթի չթողուս, չար պատանձունքներէ, չար փորձանքներէ ու չար մահերէ հեռու պահես զաւելըներս» :

Մատերուդ պէս մերկ մնացին ու օրերով կտոր մը չոր հացի երես չտեսան զաւելըներդ, մամիկ : Դժոխքին մէջ որչափ չար պատանձունքներ, չար փորձանքներ ու չար մահեր կային, ամէնը ի մի եղան մարտիս պէս թափեցան վրանին :

«Բայց դուն ողորմացող ու զթացող Աստուած...»


Չթողուցին որ գթար :

Մի՛ մեղադրեր, մամիկ, Աստուած ալ մի՛ մեղադրեր :

Անոր ալ չխնայեցին, մամիկ :

Ա՛ն ալ մեռցուցին :

1916



ՅԻՇԱՏԱԿ

Կ'ըսես որ հայրս մեռած է :

Այո՛ :

Բայց յիմար դուն կը ճանչնաս զինքը, իր հայրական անունն սիրոյն ու գորովին մէջ դուն զինքը կը ճանչնաս. զիտե՞ս թէ ի՞նչ խոր ի՞նչ բունն սիրով կը սիրէր ան մեզ : Իրիկունը արտէն անուն վերադարձին ինչ խանդաղատանքով որ մեզ կը համբուրէր, իր անուշիկ ձագերը, ինչպէս կը տէր ինք, դուն զիտե՞ս. հիւանդ ըլլալինք իր դողդոջազին հողածուլեան հետ ցաւն ու մորմնքը գիտե՞ս. ըտէ՛, երբ չափեցիր ու գիտցար սաստկութիւնը իր կարօտին երբ քանի մը օր զիրար չէինք տեսներ :

Չես գիտեր, չե՛ս ճանչնար ու կըսես որ... ետե՞ք օձեր թող խայթեն լեզուդ որ չըսես, հայրդ մեռած է :

Կըսես որ մայր՞ս ալ մեռած է :

— Այո՛,

Բայց դուն դժոխքէն չե՞ս վախնար, կը փլի վրադ վախցիր, հրէ՛շ : Մայրը կը մեռնի՞. ինչպէ՞ս մայրը կը մեռնի : Ամեն բանի հաւատացած եմ բայց մօրս մահուան երբեք չեմ հաւատացած, ինչպէ՞ս կըսես որ մեռած է. մի՛, մի՛ ըսեր, թո՞նիր մը կըրակով խարանուի՛ բերանդ որ չըսէ՛ մայրդ մեռած է :

7648-82



Մայր, դուն չէիր որ գիշերը ձեռքերդ կ'եր կարէիր ինծի երբ կ'արթննայի քունէս :

Առտուն, «ե՛լ, ձագս որ սերին մեծ բաժինը դո՛ւն առնես», դուն չէիր ըսողը երբ մանկօրէն անկողնիս մէջ կը ծուլանայի : Եկեղեցի, արտ, պարտէզ, միասին չէ՞ք որ կ'երթայինք : Այն ո՞վ էր, դուն չէիր, մայր, այն աչքերը, այն լացն ու ժպտը, այն շունչը, բառերը, խօսքերը, աղօթած ատեն պահած այն լուծիւնը, հանդարտ ու աստուածային խաղաղութիւնը՝ երբ կը քնանար, քուկինդ չէիր, մայր : Այն քալողը, մէկ սենեակէն միւսը գացող եկողը, այն շարժողը դուն չէիր, մայր : Ըսէ՛ որ թիֆնուն արտը թու՛մբին վրայ, ջրտուրին իրկունը, գլուխս ծունկերուդ վրայ դնող և համբուրողը դուն չէիր, «մի՛ վախնար, գա՛նա» ըսողը դուն չէիր :

Արցունքները քու աչքերէդ չէր որ կը հոսէին, երբ օտարութեան կուգայի, մայր : «Կը խոտանամ շուտ վերագառնալ, է՛հ, մարի՛կ, մնաս բարով», — «Ա՛խ, գառնուկս, գառնուկս», — Ս. Գէորգը վկայ . — զիս թեւերուդ մէջ առնող և արցունքներովդ ողողողը դուն չէիր : «Հագ մի՛ ըներ, մարի՛կ, շուտ կը դառնամ :» կը բաժնուիր : Բաւական հեռուէն ետեւ կը դառնամ . «Բարով երթաս, բարով գաս, գառնուկս . . .» ըսողը ու հեկեկացողը ո՞վ էր, դո՛ւն չէիր, մայր :

Մեռի՛ր, մեռի՛ր, հրէ՛շ, յաւիտենօպէս թող կարկամած մնայ բերանդ որ օր մը, օր մը չբացուի ու չըսէ՛ որ մայրդ մեռած է :

Յովհաննէս, Ամերիկ, Արիսթագէս եղբայրնե-

բուս և Ծաղիկ քրոջս համա՞ր ալ կրես որ մեռած են :

Այո՛,

Մտածէ՛, բայց, գաղա՛ն, անոնք չորան ալ ութէն տասնընինգ տարեկան մանուկներ էին տակաւին, մահը այդքան անգո՞ւթ . բայց դուն գու՞թ ունեցիր և պապանձէ՛ :

Յովհաննէ՛ս, Յովհաննէ՛ս, իմ ամենասիրելի եղբայրիկս, վաղահաս իմաստասէր ու բանաստեղծ հոգի . ամէնքս, մեծ ու պզտիկ, յարգանք ունէինք քեզի, քու արժանապատուութեանդ, որուն այնքան նախանձախնդիր էիր . մեռցնելը ամենէն անարգ վիրաւորանքն է հասցուած արժանապատուութեան ակին իսկ, հոգիին . մահը այնքան ստոր որ վիրաւորէ քեզ, մեռցնէ քեզ . . . դժո՛խքէն ավ անդին կը հալածեմ կը բռնեմ զինքը, աստմնեւրովս է հասեր կը բզքտեմ ու կը խեղդեմ ես այն գարշելի մահը : Մի՛ մի՛ րսեր որ Յովհաննէսը մեռած է :

Ամիրի՛կ, կրակ ու բոց, խելար ու որկրամոլ եղբայրիկս :

«Անօթի եմ, մայրի՛կ .» — Հացը սապատն է, աղաս,» — Յամակ հացը ի՛նչ ընեմ, — կրսէիր ու շարունակ կը թնձկայիր, կուլայիր : «Ա՛խ, երբ պիտի մեծնաս որ խելք առնես» . կը վշտահարէր մայրս : Չմեծցած, խելք չառած կը մեռնիս, Ամերի՛կ, իմ անգին աղբարիկս :

Արիսթագէ՛ս, նիհար, սկարակազմ, սիրուն ու աղուորիկ աչքերով աղբարիկ, ամէն օր Ամերիկը հետդ մենամարտելու կը հրաւիրէիր, իրմէ՛

մէկ տարու մեծ , բայց միշտ կը յաղթուէիր, ու կը բարկանայիր տոյն ատեն , լալու աստիճան . մայրս կը յուսադրէր՝ «Հոգ մի՛ ըներ , Արիսթա- գէսս , բանի մը տարիէն պիտի կարողնաս վրան» :
 Հրաւերը որ կ'ընէիր Ամերիկին , նախա՞նձը չարժեց մահուան , այո՛ւ , Արիսթագէ՛ս , սիրուն աղբարիկս :

Ծաղի՛կ , մեր մէկ հատիկ քոյրը , իրարու ձեռքէ կը խլէինք քեզ , կը գրկէինք , կը համբու- րէինք . «Աղջիկ կ'ըլլա՞ս ինձի , ծաղիկս , — կ'ըլ- րամ՝ . — Ինձի՞ , » — քեզի ալ . հօրս ու մօրս ամբողջ էութիւնը հրճուանք կը կտրէր . կ'ու- նէին քեզ ջղայնօրէն կը սեղմէին գրկերնուն մէջ , կը համբուրէին կաթողին : — Ինձի քոյր կ'ըլլա՞ս . կը հարցնէինք մենք եւս նմանողաբար . — կ'ըլ- րամ : Մենք ալ երջանիկ էինք , մեր հոգին ալ ե- րանութեան մէջ կը լողար : Ու երբ համբուրնե- րու անխնայ տարափի մը տակ սրանեղէինք քեզ . «Ալ աղջիկ չպիտի ըլլամ» , «քոյր չպիտի ըլլամ» . կ'ըսէիր , տոյն ատեն կը տխրէինք . . . ինձի քոյր չէիր ըլլար , ես ալ թողուցի քեզ հեռացայ , մայ- րիկը անանկ հաւատացուցեր էր քեզի : Քանի քանի անգամ նամակներու մէջ պաղատեցար . «Ե- կո՛ւր , աղբարիկս , եկո՛ւր , ալ քոյր կ'ըլլամ» : Պիտի գամ , անուշի՛կ քուրիկս , պիտի գամ , հաս- ցէք փոխած չըլլաս բայց , երբ գամ և քեզ հոտ չգանն՞մ :

Ու կ'ըսես որ Սիրավարդս ալ մեռած է .

— Այո՛ .

Եթէ խղճամիտ մարդ ես , խօսքդ ե՛ս առ ,

դուն մեր պատմութիւնը չես գիտեր , մաի՛կ ըրէ . ընեմ վերջացնեմ գայն , յետոյ , եթէ կրնաս , ըսէ որ Սիրավարդը մեռած է :

Անկեղծ և սիրելի բարեկամներ էին մեր եր- կուքին ընտանիքները իրարու : Օր չէր պատահեր որ մենք իրենց կամ իրենք մեզի չըլլային . շատ անգամ միասին կը ճաշէինք , մէկ ընտանիքի պէս : Նոյն անկեղծ և սիրելի բարեկամութիւնը կար նաև մեր մէջ , իմ և Սիրավարդին :

Գրեթէ միշտ միասին կը խաղայինք . ինձի «եղբայր» կըսէր , որ մը օրանց , ո՛չ ես զինքը , ո՛չ ալ ինքը , զիս ցաւեցուցած չէր . . . Պատահեցաւ որ գիւղէն երեք օր հեռու , գիշերօթիկ վարժա- րան մը երթամ ես : Արձակուրդի մը ծննդավայր կը դառնայի , մեր շրջանէն , դրացի գիւղէ մը բարեկամ մըն ալ ընկերացաւ :

Միասին գիւղ մտանք : Մեզ տունէն քիչ մը հեռու մայրս գիմաւորեց մեզ : Չորիէն վար ցառ- կեցի և մօտեցայ ձեռքերը համբուրեցի : Այս ա- րարողութիւնը տեղի ունեցաւ բայց սառնօրէն , ա- ռանց յուզումի , առանց լացի . խեղճ մայրս քար կտրեցաւ . աղապատանքը զոր երկու տարուան կա- րօտը լճաշուցեր էր սրտին մէջ և որ հիմակ պիտի զեզուր , սառեցաւ մնայց հոն :

— Յարութիւնս ինչո՞ւ տխուր է , հարցուց ընկեր . կցիս երբ տունը , գաւիթին մէջ նստեցանք :

«Դարբինենց Սիրավարդին նշաներ էք զիս» , պատասխանեցի :

— Քու սիրոյդ և քու բարիքին համար , այո՛ւ , հանգարտութեամբ յարեց մայրս : Առաքինի աղ- ջիկ , կրթեալ , ուսեալ , շարունակեց . շատ տեղերէ

եկան ուղեցին և հարուստ տեղերէ, բայց ան ոչ մէկուն սէր չցուցուց, երբ ծնողքը պնդեց որ մէկուն չէ միւսին անպատճառ հաւանութիւն պիտի յայտնէր. «Եթէ Պէրպէրինց Յարութիւնը կ'ըլլայ, լաւ, չըլլայ չպիտի ամուսնանամ»:

— «Բայց ան քանի մը տարի ունի դպրոցը աւարտելու» — Քանի մը տարիին կրկինը կըսուէր սեմ, պատասխաններ էր աղջիկը: Իմացուցին մեզի, հայրդ ուրախութենէն խենթեցաւ: Իրիկուն մը, տէրտէրը կ'անչեց, քանի մը հատ ալ բարեկամ, գացինք նշանեցինք. աս ալ բա՞ն մըն է, որ տըլսբեր ես և զիս ալ տխրեցուցիր. շատ կերած թափած մը կայ, չեա ուղեր, նշանը ետ կ'առնենք, ի՞նչ ըսիր Մարտիկ:

— Անանկ է հաստատեց ընկերակիցս: Քանի մը օր անցնելէ վերջն էր. «Դարբինենք մեղադրանք կ'ընեն, իրաւունք ունին, քսան տարուան դրացի եւք, անգամ մը չգացիր չ'երեւացիր, եւ լ, երթանք տեսութիւն մը ընենք, քանք» . թախանձեց իրիկուն մը մայրս: Մերժեցի . . . յուզուեցաւ ինքն ալ և լացաւ: Ես ալ լացի, հայրս գայրանալով՝ նստած տեղէն ելաւ, մօտեցաւ ինձի, սպառնաց ապականել եթէ յամառէի: Ինկայ մօրս առջիւ:

Իրենց դրան սեմին վրայ, Սիրավարդին դիմատուերը նշմարեցի. «Մայր, Սիրավարդը . . . չեմ գոր» — Մի ամչնար գառս, դուն ետև կեցիր, ես առաջ անցնիմ». այնպէս եղաւ և հասանք տուներնին:

Սիրավարդը մեզ նշմարելուն՝ պահուրտեր էր արդէն, հայրն ու մայրն էին որ դիմաւորեցին

մեզ: Չեռքերնին համբուրեցի, իրենք ալ զիս, հրաւիրեցին ներս: Մայրը մեծարեց ժպտագին «Բարի եկար, փեսիկս» ըսելով. հայրը, աւելի լուրջ, «Պարոն» գործածեց: Դրան ազմուկէ մը գլուխս կախած էի, վեր առի, նայեցայ, Սիրավարդն էր: Երկու ատրուան մէջ որչափ փոխուած. աչքերը միայն նոյնը մնացեր էին. այս երկու գոհարները, որոնց մէջ իր երկչոտ, ամօթխած սէրն էր որ կը դողդղար քաղցրօրէն, աստուածօրէն գորովալի: Դէմքը լեցուեր, առուգացեր էր, հասակը գեղեցկօրէն բարձրացեր էր:

Անհամարձակ քայլերով մօտեցաւ նախ մօրս, ապա ինձի. ձեռքս երկարեցի, վայելչօրէն գլուխը ծռեց, թեթև մը «բարի եկար» քրքնջեց ու մօրը քով գնաց նստեցաւ: Այն իրիկունը, սրտագին բերկրութիւնով մը սուս կը դառնայի:

«Անգամ մըն ալ մի՛նտիկ գնա՛» — Այս դրպրոցը աւարտելէ վերջ Եւրոպա պիտի երթամ, նշանը ետ առէք, ես անոնց տունը չեմ երթար, մայր:

— Կ'երեւի մեզ գեղին մէջ անպատիւ, խաղք խայտառակ ընելու միտք ունիս» — Կ'երթամ, մայր կ'երթամ: Սկիզբ մը բրի ու անկէ յետոյ ալ շարունակեցի:

Աննիկ մայրիկը, — մօրս խնդրանքին վրայ այս պէս կը կոչէի զինքը, առաջ քորուկ էր. — շատ բարի էր. ամէն երթալուս, կամացուկ մը սենեակէն դուրս կ'ելլէր, մեզ, մինակնիս կը ձգէր հոն: Ինք մէկ անկիւնը, ես միւս, դէմ դիմաց կը նստատէինք: — Խօսէ՛, Սիրավարդ: Լուսութիւնը խղելու

սոսկալի ճիգը եղած էր և խօսելու նիւթ գտնելը ալ դժուար չէր ու կը խօսէինք ժամերով. — Երեք տարի վերջ, մեր երազը... ի՛նչ կըսես, Սիրավարդ: Չայն չէր հաներ, կը կարմրէր միայն. — «Ինծի չպիտի սպասես, գիտեմ, կըսէի: — «Կը կատկածի՞ս...» ինծի համար զգացած անհուն սիրոյն ձերմակին վրայ, կատկածի սեւ շուքը ձգած կ'ըլլայի: Կը վերաւորուէր... «Կատակ կընեմ, կատակ» կը փութայի աւելցնել սիրաբ ատենելու համար:

Երբ քանի մը օր զիրար չտեսնէինք, նամակ կը գրէինք. նիւթը միշտ նոյնն էր ան՝ «բոլոր սրտովս կը սիրեմ քեզ, որչափ կ'ուզես կըսպասեմ միայն խօստացիր» կը խօստանամ կը պատասխանէի:

Նոյն արձակուրդին էր. «գեռ մէկ ամիս ունիս ինչո՞ւ կ'երթաս», — կ'երթամ, մայր, Սիրավարդը թող իմ վրայ չյուտայ, Եւրոպա չգացած, ես չպիտի ամուսնանամ, հոն երթալէ վերջն ալ, ո՛վ գիտէ, — կ'ըսէի ձօրս, ու կէսօր մը, կը դուրս մէն երեք ժամ հեռու, Խաչկաւմանք գիւղը, մեր գիշերօթիկներուն ամառանոցը, հնգեակ մը ընկերներու անակնկալ մը կ'ընէի. — Շո՛ւտ վերադարձար. — Այո՛, ձեզ կարօտցայ և մանաւանդ գիրքը... պատասխանեցի իրենց:

Այն տարին դպրոցնիս ա՛լ չվերաբացուելու պայմանաւ փակուեցաւ: Մայիսին էր, գիւղ վերադարձայ: Եկած օրս իսկ Աննիկ մայրիկս այցելութիւն տուաւ հաւաստեց որ շատ կարօտեցէր էր փեսիկը, ու կուշտ մը համբուրեց: Յաջորդող տուտուն, փոխադարձ այցելութիւն տուի, այս ան-

գամ մինակս: Սիրավարդը դարձեալ եկաւ ձեռքս: Աչքերուն մէջ այն առաջուան ամօթխած սէրը հիմա գաղանօրէն կը պսպար. դէմքը առաջ լուրջ, մինչեւ իսկ քիչ մը մեղամաղձոտ, հիմա գարնանայրն գուարթութիւն մը հագած էր: Ե՛րբ չէի սիրած զինքը, այն տակն ա՛լ աւելի սիրեցի...:

Տուներնիս իրենցինէն հեռու չէր, երբ ճամբուն վրայ մարդ չըլլար սր տեսնէր. — կ'ամչնայի... — առիթը չէի փախցնէր կամացուկ մը հոն սարդելու Աննիկ մայրիկը, նոյն բարի Աննիկ մայրիկն էր, անձայն անձուն նորէն դուրս կ'ելլէր սենեակէն և մինակնիս կը ձգէր հոն:

Երջանիկ ժամանցներ...: — Այս տարի կարգուի՛նք, — «դուն գիտես» կը պատասխանէր. — Չէ՛, անուշա, միջնակարգ վարժարան մը աւարտեմ, վերջը: Գլխու չարժումով մը հաւանութիւն կը յայտնէր: «Բանամ ձեռագործը շատ նուրբ բան մը կ'երեւի» «մատանիդ կարծեմ ոսկի է» պատրուակով մը կը մօտենայի իրեն: Չհամուրեմ, բայց գոնէ ձեռքս ձեռքին դպցնեմ. անկարելի. ոտքէս մինչեւ գլուխս քրտինքի մէջ, կը դառնայի տեղս — Գրիչդ սիսալ կը բռնես, ըսի օր մը ու մօտեցայ... ուղղելու համար... ան ի՛նչ սոսկալի պըրպուտ էր, Աստուածիմ. ձեռքս ձեռքին չդպցուցած՝ քրտնելով ու ամօթահար նորէն կը դառնայի տեղս:

Դպրոցական վերամուտին ան՝ մեր գիւղին մէջ վարժուէի, ես՝ ուրիշ գիւղ մը վարժապետ եղանք: Շատ քիչ անգամ տուն կուգայի, գալուս ալ, ստիպում չըլլար. Սիրավարդին չէի հանդիպիր պաղեր էի...:

Միշտ ուրիշ աշխարհի մը մտապատկերը ունէի մաքիս մէջ . որուն քով . Միրավարդին սպրեցուցած աշխարհը՝ իր բոլոր մեղքերով , խոստովանիմ , զայն ըմբռնելու ժամուս իսկ՝ ստորագաս կը մնար : Բացարձակը իրեն անպրեկոյցածը չէր , ամենէն քաղցրը , ըզձալին , իտէականը , ան չէր միւս աշխարհն էր . . .

Երկու գիւղին զպրոցներուն փակուելէն վերջն էր՝ «Երթամ պիտի հայր» : արձակուրդի ամիսներուն Պոլոսյ մէջ քննութեանց պատրաստուելու կամքս կը յայտնէի որ մի : — Չէ . ազատ . վարժապետութիւնը չեն սիրեր խանութպանութիւնը բէ և տեղեզ մի երեար» : Վախ վախ հոս , գիւղին մէջ մնամ . . : Հնգիստտան Ճարտն հաւանակուն այս բայց գիւղը երբեք : Գիշեր մը փախուտա տուի : Բանուեցայ : Նորէն փախուտա տուի : Նորէն բռնուեցայ : Այ պատրանքը մէկդի իրենց կամքը ալ իմինս չէր և որ զիս կանգելու զօրութենէն ալ հմայաթափուեր էր . . .

Անյաջող փախուտոիս յաջորդող իրիկունը , քահանայ վարժապետ , «երեւելի» հաւաքուեցան մեր տունը ծնողքս հրաւիրեր էր զիրենք :

Լաւ բան չէի ըներ ամուսնանայի և երթալի այն ատեն ըրածս խելացի և գովելի կ'ըլար . ինզճ մայրս իր հեծկլատքներուն մէջ հազիւ կը հեծեծէր : Պոլիս երթալէս վերջը ալ Միրավարդը ուր պիտի յիշէի : Իրենց ճակատագիրն էր իրենք իրենց ձեռքովը գերեզմաննին փորել և ողջ ողջ մէջը մանել : Որովհետեւ ինչպէ՞ս պիտի ապրէին , խոստացեր էին և խոստումնին չէր կատարուի :

Աղջկան անեցլնեբուն առջև ինչպէ՞ս պիտի ելլէին ինչ երեսով : Ի՞նչ երեսով պիտի երեւէին գիւղացիներուն :

Ինծի որ ամուսնութեան մտածումը , ամէն անգամ միտք բերելուս , իրբեւ միւս աշխարհին անցքը խափանող՝ քսամնելի սարսուռ կուտար . . . :

— Աչքդ լոյս ; Էղիսարէթ քուրիկ , Աստուած մէկ բարձի ծերացնէ :

— Ողջ եղէք , տարտը ձեր սպուն . Էղիսարէթ քուրիկին մեծ սղան կարգուած էր :

Տարիքնիս , ան 17 ն էր եւ 18ը : Երեք շաբաթ միայն մնացի քովը : Պատմութիւնս վերջացուցի : Ըսէ՛ , հիմա , Միրավարդը մեռած է :

Սէբր երեւցաւ իր խունկերով , բոյրերով և միւսնով . մեր տաճարին սեմին վրայ տեսանք զինքը . բայց իր խունկին , բոյրին և միւսնին տակ մենք , մեր հագիին բոլոր խանդաղատանքով և մեր մարմնին բոլոր փարուծով , գիրկընդխառն պաշտամունք մը չբրինք իրեն : Սպասէ՛ ըսինք , զինքը ներս չաւին : Երջանկութիւնն սլ երեւցաւ իր կաթերով , իւղերով , մեղրերով . իր աշքերուն արցունքը , երանութեան կաթը պիտի քամէք մեր աշքերուն մէջ և շրթունքներուն մեղրը մեր շրթներուն վրայ բայց , զինքն ալ սիրոյ հետ սեմին վրայ կեցուցինք : Երջանկութեան ալ ըսինք , ներս մի՛ մտներ սպասէ՛ մինչեւ որ ուզենք : Ատենն է , կուզենք , ներս մտէք , սէ՛ր , երջանկութիւն , մըտէք մեր տաճարէն ներս , երազներու և կարօտներու ձիածաններով զարգարուած ու գեղեցկացած է ան հիմա , նե՛րս մտէք :

Հեռու, հեռու՛ն ինձմէ, մի՛ ըսեր. մօտիկս մի՛
ըսեր, եօթը աշխարհ հեռու գնա, ու անկէ ըսէ:

— Իեզճ տղաւ, սաճարիդ սեմին վրայ Սէրն
ու երջանկութիւնը սպասելէն յուսահատած՝ ա-
նէճքով ու նզովքով ու անգամ մըն ալ չերեւնա-
շու վրէժառու կամքով՝ թռան, գացին: Տաճարդ
մոխիր ու աւերակ, Սիրավարդը մեռած . . . :

1916 .



Ք է Ն



Հայաստանէն կուգաս, հայրենի բարեկամս,
հայ քաղաքներուն ու գիւղերուն մէջ իրա՛ւ
կեանքը մեռեր է: Չարութեան և բռնութեան
ողիններէն հալածական ցեղը Ազատութեան իր
կայանը չհասած իրա՛ւ մեռաւ:

— Այո՛ ,

Ի՛նչ կրօես, չա՛ր, ազգ մը կը մեռնի՛ , յոյսով
ու հուսատքով դէպի իր ապագան նկրտող ազգ
մը դեռ անոր չհասած կը մեռնի՛ : Հեղեղներու
ու փոթորիկներու մէջէն անվեհեր, աստուածա-
յին կորովով սերմանող ազգը դեռ հունձքը չքա-
ղած իրա՛ւ մեռաւ:

— Այո՛ ,

Գեհէն մը բռնկի բերանդ, ա՛նգութ, աշ-
խահք մըն էինք մենք, անթիւ, անհամար քա-
ղաքներու և գիւղերու մէջ սփռուած ժողովուրդ
մըն էինք մենք. հոյաչէն դպրոցներ, եկեղեցիներ,
բաղմադարեան վանքեր ունէինք. ընդարձակ
վաճառատուններ, պատկառելի արհեստանոցներ,
շուկաներ և գործարաններ ունէինք: Անհամար

պարտէզներ, արտեր, այգիներ, անթիւ հօտ ու
առւար ունէիք, կորանք, վերջացանք :

— Այո՛ .

Չիս մի՛ դայրացներ, երկինքի շանթը դըր-
խուղ պայթեցնել մի՛ աար : Երգիքներէն ծուխ
չի՞ բարձրանար, թմնիրներուն և փուռերուն մէջ
կրակ. չի՞ վառիր, հաց չե՞ն եփեր, կերակուր չե՞ն
եփեր :

— Ո՛չ .

Ճշմարտութիւնը բո՛ւ չա՛ր, առտուն կօնուխ
եկեղեցիներուն զանգակները չե՞ն զարներ. հարս
ու աղջիկ աղբիւր և մայրեր եկեղեցի չե՞ն եր-
թար : Եկեղեցիին մէջ շարական չե՞ն երգեր, քա-
հանաներ երկրպագելով սաղմոս չե՞ն հեծեծեր,
ժողովուրդը երկիւղած չի՞ աղօթեր :

— Ո՛չ .

Ո՛չ առններուն մէջ ոչ ալ դուրսը մարդ չկայ :
Փողոցներուն ու ծառուղիներուն մէջ ո՛չ աղջիկ
ոչ աղայ, ո՛չ ձայն ոչ ձուռն, ուլիկ մը անդամ չը
բբչար : Արտերը քաղող ու հնձող ալ չկան, ոչ
ալ անոնց հաց ստանող : Գպրոցներուն մէջ վար-
ժապետ ու աշակերտ ալ չկան :

Այո՛ .

Տոնական օրերուն վանքերու ճամբաներուն
վրայ ու խտաւորնե՞ր ալ չկան :

Այո՛ ,

— Ուրեմն ոչի՛նչ, ոչի՛նչ : Ուրեմն հայ ցեղը
ամբողջովին և հիմնովին իբ՛ ծեր, երիտասարդ,
մանուկ սերունդներուն մէջ խեղդուած, սպան-

նուած, տարագրուած է. հա՛, հրէ՛չ : Ուրեմն բան
մը չէ՞ մնացեր. այդ անհուն աշխարհը պարպուեր,
քանդուեր աւերակուե՞ր է հիմնալատակ ուրեմն :

Ըսէ՛ հայ բարեկամս, քո՛յրս, եղբայրս,
բո՛ւ : Հայրենիքը երբ այոպէս խուժուժօրէն կը
սպաննուէր ու կը դերեզմանանար վերը արև
կա՛ր .

— Երկինք չնայեցայ :

1946 .



ԴՐՈՒԺԱՆԸ

Հաւատա՛ իրեն .

Բազէն քեզի չպիտի հասնի .

Վիրաւորուեցար , ալ թեւերուդ ուժը ջը-
լատուած ,

Թռիչքդ պարտասած .

Հալածող Բազէին դէմ քեզ պաշտպանելու
կուգայ .

Հաւատա՛ իրեն .

«Քեզ պիտի ազատեմ»

Անկեղծ է , մի՛ կասկածիր .

Մի՛ կասկածիր , իմ վիրաւոր կաքաւս , իմ
հոգիս , իմ սիրտս , քո՛յր :

Մի՛ կասկածիր , հաւատա՛ իրեն .

Անունը մի՛ հարցներ .

Ազատութիւն կ'աղաղակէ

Արդարութիւն պուալէն բերնին փրփուր կա-
պեր է :

«Պատուիս վրայ կ'երգուըննամ» .

Զըլլայ որ թերահաւատիս , քո՛յր .

«Վէրքերդ պիտի դարձանեմ»

Ի՛նչ ազնիւ , ի՛նչ վեհոգի .

Յուզուէ՛ , քո՛յր .

«Վանդակի մէջ պիտի չպահեմ քեզի , ազա-

տօրէն թռիչք պիտի առնես պիտի թռիս , սարն
ի վեր , լեռն ի վեր» :

Խանդավառուէ՛ , հրճուանքէդ ու գինովու-
թենէդ քրտնէ՛ , քո՛յր :

Մոլեգին խնդութեան արցունքներ , առատու-
րէն և յորդօրէն

Հոսեցո՛ւր , քո՛յր ,

Քո՛յր , քո՛յր , քո՛յր .

Այի մը անէծք ինձի .

Աչքերդ գոցէ՛ կտուցդ դարկ քարին , վա՛խ
իմ անբախտ կաքաւս , իմ հայրենիվիրաւոր թըռչ-
նիկս :

«Ես վատ մըն եմ և ստորին խարերայ մը .
Ես քեզ սրսալու կուգամ» :

1919 .



ՆՈՐԱԾԻՆԸ

Կատգեր ու ջղախնայներ էր մութը, արեւին երդուեալ թշնամին, կեանքին դէմ որ՝ այն օրը՝ իր բիւրազան ձեւերուն մէջ հագուեր, պճնուեր՝ դիմացն էր ի լեր արեւին, անոր՝ չարին վհուկներէն պարսպուած երկնքին վրայ՝ յազլթական մուռքն էր տօներ :

Վազահաս էր դեռ այս տօնը . Արեւին տօնը : Չարը զայրացաւ Հարաւէն, հիւսիսէն, իր հով թեւերով զանգուած զանգուած ամպեր բերաւ, կուտակեց իրարու վրայ, շինեց անավիթխար, արծեւ, անձոռնի բան մը, կենդանի ամպեղէն հրէշ մը :

Որոտումով մը որ պիտի սահմակեցնէր ու անոր ետեւէն շանթերու տարափ մը՝ պիտի հրդեհէր ու մոխիրի վերածէր ամէն, ամէն ինչ տուն, արտ, պարտեզ, անտառ չեւ ու դաշտ, ուր որ, կեանք մը կար պահուըտած, շունչ մը կար թաքնուած : Ու հրէշը իր կատաղութեան անաւորութիւնը որոտաց ու զայրոյթին կրակը շանթեց :

Գօգօ՛շ մը իր քալած միջոցին կանգ չառաւ և բոյս մը իր ծղօտը չկրէց : Կը հեզնուէր . ցատումն ու մոլեգնութիւնը իրենց գագաթնակէտին հասան, որոտումը աւելի դղրղազին ու շան-

թերը աւելի ու աւելի արհաւիրաց... կրկնապատկեց ու քառապատկեց . կաղնի մը վիրաւորուեցաւ ու անտառը մնաց անտարբեր : Կեանքը նօրէն զինքը կը հեզնէր... իր ցատումն ա՛լ անսահման էր . գալարուեցաւ, վերջին ճիգերը հաւաքեց, վերջին պրկում մը բրտ : Տարողութենէն վեր, գերիվեր պրկում մըն էր ու ազիքները պայթեցան : Անէութեան չաստուածը սրանեղութենէն ամբողջովին լուծեց զինքը, հեղուկ բրաւ ու թափեց վար : Վարը անկէ հեղեղներ կազմեց բայց . դիտակցութիւն ու գօրութիւն տուաւ անոնց ու ցրուեց ամէն դի, աշխարհի չորս ծայրերուն վրայ :

Ի՞նչ կ'ուզէին այս լպրծուն դիւահարները : Տուները կը հրմշակէին, անոնց հիմերուն տակ կը մտնէին . լեռներուն կողերը կը քերէին, անոնց ոյծքերուն մէջ կը խուժէին . դաշտերը կը պեղէին, բոյսերուն դէպք արմատները կը մխրձուէին . անտառները կը զիկզակէին, կաղնիներուն բունները կը ձեծէին :

Երկիրը իր կեանքոտ մասին մէջ վերցնել և հեռուն ծովերը տանիլ նետել էր նպատակնին :

Տապալեցան անհաստատ տուները, արմատախիլ եզան ու քշուեցան դեռածիլ բոյսերը, անկար գօգօշները :

Իրենց վրայ ծանրաբեռնուած կաղնիներով հպարտ ու զիրենք վէսօրէն հեզնող հսկաներ կային, լեռներ : Անէութեան Չաստուածը ուզեց և հեղեղները դաշտերէն ու ծովաներէն վազեցին

իջան դէպի ձորերը, լեռներուն հիմունքը քան-
դելու, լեռները գլխիվայր տապալելու համար:

Առաւօտեան դէմ արեւը կը ծագէր...

Չորերուն երկայնքը ուր հեղեղը անցեր էր,
անթիւ ծիլեր, բողբոջներ կային արմատախիլ.
ծառեր՝ ճղակոտոր. կաղնիներ՝ զգետնուած. տու-
ներ՝ փլած, կործանած. խեղճ որդեր, թշուառա-
կան դողօշներ՝ մեռած, անկենդան:

Չէր վախցած, այն լեռներէն մէկուն կողին
վրայ, գիւղ մը փակեր էր. հեղեղ մը իր առաջին
կատաղութիւնը, անհզօրէն խուժանական ու բար-
բարոս, պայթեցուց գլխուն. իր ամբողջ տունե-
րով, մէջիններով միասին, իրենց հիմունքներէն
վերգուց, քշեց ու տարաւ:

Միայն տուն մը մնացեր էր, ամենէն հեռա-
ւոր ծայրը գիւղին. պզտիկ անակ մը, հաստա-
տուն հիմերով, պատերը հեղեղը լղեր էր բայց
չէր կրցիր հիմնայտոակ կործանել:

Այդ մէկուսի տունին մէջ կին մը կար որուն
երկունքի ցաւը բռներ էր այդ օրը և կը գալար-
ուէր:

Գիշերը չանցած՝ զաւակը ծնաւ:

Անբախտութիւնն ու արհաւիրքը դեռ այն-
քան մտերիմ եղբայրակցած չէին իրարու յոյսին
դէմ որ մօր մը արգանդէն կը ծնէր:

Տեսաւ մայրը ու չհաւատաց: Իր ցաւին
թանձրամած աղջամուղջին մէջ ասուպի մը պէս
երեցաւ ան կամ ոչ: Իր մանկիկը... արդէն իսկ
ձայնը կորեցաւ: Այո՛, ասուպ մը:

Մայրը լացաւ:

Մանկիկին ձեռքերը կարկամեցան աչքերը
գոցուեցան:

Մեռա՛ւ:

Ո՛չ, ո՛չ:

Երկաթէ մատներով անէութիւնը, իր գիշերա-
գոյն կերպարանքին մէջ ժտեցաւ մանկիկին,
մազ մնացեր էր, ճանկերը կը հպէին... յանկարծ,
յանկարծ, բուռ մը մշուշ եղաւ, ցնդեցաւ:

Արեւը կը ծագէր...

Իր բիւրապատիկ անսահման հրճուանքէն
մայրը թոխչք մը եղաւ, կարծիր, կապոյտ, նարնջ-
ջագոյն թուիչք մը՝ ու թռա՛ւ, երբ տեսաւ որ
այն արեւին անուշ, ջերմին ճառագայթներուն
տակ, ո՛վ Աստուած, թաթիկները երկարելով
մանկիկը յուսալիցօրէն աչքերը կը բանար...

1916.



ԵՐԲ ՍԵՌԱՍ Է. ԱԻԱՂ

Մայրիկիս Յիշատակին

Մի՛ մեռնիր ապրէ՛, մայր. այն անցած անուշ օրերը քեզի հետ վերադառնա՛ս պիտի ապրինք. որոշեցի: Առտուն ելի՛ր պիտի բսես պիտի ելլեմ. անկողինները պիտի վերցնես զուն՝ մինչեւ որ ես ալ հագուեմ ու լուացուեմ: Ներստուն պիտի երթաս, ետեւէ՛ղ պիտի գամ. սեր պիտի ուղեմ, կրտասար պիտի վերցնես, մեծ եղբայրներն եմ սերին մեծ բաժինը պիտի տաս ինձի. չկշտանամ՝ քիչ մըն ալ մածուն պիտի ուղեմ, պիտի չմերժես, տաս պիտի և շուտ կեր, աղբարներդ շտանան, պիտի բսես նորէն կէսօր, իրկու ճաշի պիտի նրստինք, ապուր ըլլայ հաց պիտի փշրես մէջը՝ և «չնորհքով կերէք, վրանիդ չթափէք» պատուէրը պիտի բնես նորէն զգալը բերանդ տանիլդ ես պիտի տեսնեմ, մայր: Այժմերը կթելդ, կաթը քամելդ և կաթը տանին մէջ լեցնելդ ու կրակին վրայ գնելդ պիտի տեսնեմ: Կաթին փրփուրը նորէն ինձի պիտի տաս և սանին տակն ալ պիտի թողու որ քերեմ, մայր: Շարաթ օրերը թոնիր պիտի վառես, թոնիրը խառնելդ, ծուխէն աչքերուդ արց-

նոտիլը պիտի տեսնեմ: Հաց եփելու պիտի նստի՛ս ծարաւեստ՝ «գնա աղբիւրէն պաղ ջուր մը բեր, Արթինս, գա ու» — Ամէն հեղ ե՛ս երթամ, հեղ մըն ալ Սեղբակին բսէ: — Իմ սիրական ձագ՝ դուն ես, քեզի կրսեմ: Բսես պիտի, հնազանդիմ, աղբիւրէն ջուր բերեմ խմես, «ջրին պէ՛ս էրկան արեւ ըլլաս, գա ու» պիտի բսես և փարչը ինձի վերադարձնելդ պիտի տեսնեմ նորէն, մայր: Կիրակի առտուն եկեղեցիին զտեղակը դարնէ քնացած ըլլանք. «Արթինս, Սեղբակս, ելէք, ժամուն դանդը՝ երբ է գարկեր է, բսես, չլսելու գանք, երկրորդեա պիտի: Եկեղեցիին վերնատունը, ձեռքդ ձակտիդ տանելդ, խաչ հանելդ պիտի տեսնեմ: Ժամէն տուն վերադարձնուս՝ «ինչ պիտի ուտենք մայրիկ».— «ճաշ, ձագերս» բսես պիտի և ուտելու նստինք, իւզը ճաշին մէջ զգալ զգալ կաթիկնելդ պիտի տեսնեմ: Ամէն օր, կուժն ու պարօշը ձեռքը՝ աղբիւր երթալդ ու դառնալդ պիտի տեսնեմ անպատճառ, մայր: Արտը հասուննայ, առտուն կանուխ պիտի ելլենք, մանգաղները պիտի առնենք արտ պիտի երթանք — ճամբան դուլպադ պիտի հիսես նորէն — քաղելու սկսինք, քրտնիս «օֆ» պիտի բսես, տիածանելիիդ քղանջքով ձակտիդ քրտինքը պիտի սրբես: Ես ձակտէ՛ղ վար երեսներուդ վրայ քրտինքին կաթիլ կաթիլ ծորիլը պիտի տեսնեմ: Իրիկունը արտէն տուն վերադառնանք այն երանութիւնով որ քուկինդ էր այն երանութեամբ զուար պիտի բանաս, ներս պիտի մտնես, ես ալ ետեւէ՛ղ . . . :

Հալէպ քաղաքը հոգեւարքի մէջ ես . . . գուն

մայր, Հալէպ: Մայր դուն հոգեվարքի մէջ:
Շանթեր, շանթեր:

Մի, մի մեռնիր, հոգեւարքիդ վերջին շունչը
բռնէ, մի մեռնիր, սպասէ՛ ինձի. սպասէ՛ մինչեւ
հասնիմ քեզի, թեւ մը արծիւէն թափ մը մորթիկէն
կ'առնեմ շո՛ւտ, շո՛ւտ, կուգամ, արծիւի թեւով,
մորթիկի թա՛փով կո՛ւգամ, մայր, քարերը կը սեղ-
մեմ, անոնց հոգիէն կեանք կը հանեմ, կուտամ
քեզի, չեմ թողուր որ դուն մեռնիս. մեռնիս,
սառ մը պիտի թանձրանայ սրտիս վրայ, այնպի-
սի սառ մը զոր տաճնեակ արեւներ չպիտի կրնան
հալեցնել իրենց կրակէ բոլոր զօրութիւնով ալ դան
նստին վրան: Մի՛ մեռնիր, մայր, հոգեւարքիդ
վերջին շունչը բռնէ, մի մեռնիր մինչեւ հասնիմ
քեզի: Առանց քեզի ես չեմ տեսներ, մայր, ոչ
հայրենիք, ոչ արեւ, ոչ Աստուած:

Անտանիստի, անորակի, անբացատրելի
բան մը պիտի ըլլայ բայց, քեզ տեսնել... տիե-
զերքը մէկ անգամէն երկու ձեռքով ընդգրկել
պիտի նշանակէր սա:

Աստուած մեռցո՛ւր մայրս, եթէ ոչ մեծ կ'ըլ-
լամ, կ'երգնում մօրս անունով որ հրճուանքովս
մե՛ծ կըլլամ քեզմէ. զայն ողջ տեսնելու երանու-
թիւնս քու աստուածային երանութիւններուն ա-
մենէն անպատու մը պիտի գերազանցէ:

Ինձմէ առաջ ինչպէ՛ս ալ գիտցար ստիկա ու
մեռցուցիր մայրս. անհոգի՛ Աստուած, նախանձո՛տ
Աստուած:

Աստուած ես, չես ներեր որ քեզմէ աւելի մեծ
հրճուանք մը զգացող ըլլայ:

Բայց դուն, Աստուած, ես՝ հիւլէդ... մեղքը
քեզի, անմեղ հրճուանք մը դուն ներեցիր հիւլէիդ,
հիւլէդ, անգութ նախանձդ կը ներէ՛ քեզի,
Աստուած:

1917



Վ Ե Ր Ջ Ա Կ Ե Տ

Քոյրիկիս Յիշատակին:

Հայկայ, Տ. Խայ. Քննյ. Պոլիկեանի.

Հա՛յր, բոլոր պարագաներս մեռեր են, միայն
քոյրս մնացեր է. անունը Մաղիկ է, հող, եկեղեցին
կը գտնուի. կը պաղատիմ՝ ձեզի հոգացէք ու խը-
նամեցէք զինքը:

— Քոյրդ, ծաղիկը մեռաւ, սիրելիս:

Մեռաւ . . . :

Այ ինչ որ ընես զուր է: Զուր է, մի՛ յոգնիր,
անդունդին վրայ ծոռ երկիրը մի՛ բռներ եւ գահա-
վիժող երկինքը մի՛ կեցներ: Սեւ ամպերը թող
գան, խաւարամած գիշերն ալ թող գայ, զուր անգը
մի՛ յոգնիր, ամպերը մի՛ հեռացներ երկինքը վճիռ
ու կապոյտ մի՛ ըներ: Մի՛ փորատեր, կը պժգամ
լոյսէն. խաւարամած գիշերը մի՛ փարատեր առա-
ւօտը մի՛ բերեր. չե՛մ ուզեր: Խորշակը թող գայ,
քառնն ալ ետեւէն. զուր է, նորածիլ կանաչներով
զաշտ ու արօտ մի՛ ծածկեր մարդը գեանին վրայ
կանգուն մի՛ պահեր: Մի՛ յոգնիր, մի՛ յոգնեցներ
թռչունները բոցներէն մի՛ հաներ երգել մի՛ տար:

ակունքներէն աղբիւրներ մի՛ բխեցներ առուններն
ի վար վազցնել մի՛ տար:

Անէութի՛ւն.

Գոցէ՛ք, երթաք բարով:

Գոցէ՛, գոցէ՛, գոցէ՛.

Արքայութիւնդ ալ, դժոխքդ ալ.

Ո՛չ արքայութիւնդ ո՛չ դժոխքդ.

Կը չնչեմ ե.


Անո՛ւնդ ալ.

Կուզես լաց.

Կուզես մեռիր.

Աստո՛ւած, դքեզ ալ չե՛մ ճանչնար:

1917



Այն օրը հասկցայ որ հողիւ թեւերուն թռիչ
տուողը դո՛ւն ես միայն իմ սիրականս : Ու վա-
զեցի քեզի :

Մայիսեան այն գեղեցիկ գիշերը ասողիկնե-
րու աչքերէն ժպիտ կը կաթէր , պակկ մըն ալ իմ
աչքերուս մէջ , ինչ կ'ըլլայ , բացի արտեւաններս .
ցօղիկ մը անգամ չկաթեցաւ :

Հասկցայ , հասկցայ , հրեշտակս , որ քուկինէն
զատ աշխարհի մէջ ո՛չ մէկ աչք ժպիտ չպիտի կա-
թեցներ աչքերուս մէջ : Հայրենի տունիս մէջ չեմ
հեւարով վազեցի հոն :

Չկայ . . . չկայ իմ սիրելի հովիկս չկայ , մի՛
նայիր : Ալուրդ եղէք , կ'ուզէք սենեակները , թոն-
րատունը , գետնին տակերը նայեցէք : Կ'ուզէք
մուկ եղէք , անկիւնները , ամենայնոյն խորշերն
ալ նայեցէք : Սարդ եղէք , առաստաղին վրայ
բաց մի՛ ձգէք , նայեցէք : Վայրի խոտ ու փուշ
եղէք , ասնիքին վրան ալ նայեցէք , չկայ : Գայլ
ու աղուէս եղէք , չորս աչքերով գիշեր ցերեկ
նայեցէք ու նայեցէք : Չկայ , ինձմէ զատ ալ մէկը
չկայ :

— Միանձ , միանձ .

Ո՛ր անկիւնէն կուգայ ձայնդ , ինչ է կատու .

Մինակս չեմ դո՛ւն ալ կաս .

Բայց միայն քեզմով ի՛նչ կ'ըլլայ :

1917



Վ Ա Չ Ե Ց Ի . . .

Մայիսեան այն գեղեցիկ օրը ջերմիկ արև մը
կար , կուրծքս բացի իր դիմաց : Յուրս պաղ մը
կը հեւար կուրծքիս տակը , սրտիս մէջ . կ'ուզէի
տաքցնել զինքը , չտաքցաւ , որբուկի պէս կը մը
սէր նորէն : Այն արեւին դիմաց սիրտս կը մսէր :

Այն օրը հասկցայ որ սրտիս արեւը քու սէրն
է , իմ անուշիկս , ու վազեցի քեզի , հայրենական
տունս :

Մայիսեան այն գեղեցիկ օրը ծաղիկներէն
մեզր կը ծորէր , լեզվուծիւն էի ամբողջ , փորձ
ըրի , մօտեցուցի շրթունքներս ծաղիկին . անուշ
մեզրէն կաթիլ մըն ալ ինձի . բնա՛ւ . անգո՛ւթ :

Այն օրը հասկցայ որ միակ քաղցրիկ մեղրը
քու շրթունքներուդ մեղրը՝ ես ո՛ւր կը փնտռեմ
զինքը :

Ու վազեցի քեզի , իմ պաշտելիս :

Մայիսեան այն գեղեցիկ օրը դաշտերու եր-
կայնքը կաթի փրփուրի պէս հրճուանքը ասեր
կայներ էր , որդն անգամ խանդոտած՝ թեւեր հա-
զած կը թռէր : Թռիչ մըն ալ ես չփորձէի . բացի
թեւերս , չոր փայտի պէս մնացին անշարժ :

ՇՐՋՈՒԱԾ ԱՇԽԱՐՀԻ ՄԵ ՄԷՋ

Ճշմարտութիւն, ո՛ւր փնտռեմ՝ քեզ հիմա՝ վե՛րը թէ՛ վարը, հիմա որ վերը երկիրն է և վարը երկինքը, մեր գլխուն վրայ երկիրն է բարձրացած իր ապառաժներով, գետերով, ովկիանոսներով և մեր ոտքերուն տակ երկինքն է փրուած իր Աստղերով, իր Արեւով և Աստուածով: Ո՛ւր փնտռեմ՝ քեզ, ճշմարտութիւն, ոտքերու տակ թէ՛ գլխուս վրայ, յաղթական երկրի՛ն թէ՛ պարտուած երկնքին մէջ. բարձրադիր ապառաժներուն, գետերուն, ովկիանոսներո՞ւն թէ՛՝ զգետնուած Աստղերուն, Արեւուն և Աստուան մէջ: Երբ աշխարհ շրջուած չէր, քեզ կը փնտռէի երկինքը, Խորհուրդին և Յաւիտենականութեան այս Մեծ Գրքին մէջ: Անոր աստեղածաւալ էջերուն մէջէն քու խուզարկու՛մը, ճշմարտութիւն, հոգիս կը լեցնէր փառքով ու անհուն հրճուանքով որովհետեւ ան կը տանէր, կը կապէր հոգիս յաղթական Արեւուն, յաղթական Աստղերուն, յաղթական Աստուան:

Հիմա երկինքը մեր ոտքերուն տակ, յաւի-

տենականութեան և խորհուրդին այս մեծ գիրքը. հիմա մեր գարշապարներուն տակ կը արորուի ինչպէս անկենդան մազալաթ մը: Երբէն հոն. քու խուզարկու՛մը այն ատեն դառն է և սպաննիչ, կը տարկացնէ ու կը ստորնացնէ որովհետեւ. հոգին փառքով ու հրճուանքով լեցնելու տեղ՝ նուաստութեամբ ու ամօթալի տկարութեամբ կը բեռնաւորէ ու կ'ընճկէ: Որովհետեւ ճշմարտութիւն, քու խուզարկու՛մը զգեսնուած տիեզերական մեծ գրքին մէջէն, հոգիս կը տանի կը կապէ պարտուած Աստղերուն, պարտուած Արեւուն, պարտուած Աստուան:

Ես, յաղթական կուզեմ՝ ապրիլ. տկարութիւնը կատեմ, հոգիս խորչելով կը խորչի տկարութեանէն: Քեզ, ճշմարտութիւն, երկրին մէջէն պիտի փնտռեմ: Դուն երկնային բնիկ մը...

Ուրեմն չե՛մ ուզեր քեզ, գնա՛՛ ճակատագիրդ կապէ տոհմիդ: Բնավայրիդ մէջէն քու խուզարկու՛մը, ցեխի պէս, քուրջի պէս արորել պիտի տար. երբե՛ք, երբե՛ք չե՛մ ուզեր, գնա՛, հեռացի՛ր. բոլոր սրտովս կ'ըսեմ. հեռու ինձմէ, ես քեզ չե՛մ ուզեր. հեռու ինձմէ, ճշմարտութիւն: Ես կուզեմ յաղթական ապրիլ, ես կ'ուզեմ անողոք և անարկու ապրիլ. ես կուզեմ՝ բռնաւոր, կատաղի, մուգիցի և զարհուրելի ապրիլ. հո՛ն, վե՛րն է անողոքը և անարկուն, հո՛ն է բռնութիւնը, արգելք ու դիմադրութիւն խորտակող և սաճարձակ խոյացող կատաղութիւնը հո՛ն է. հո՛ն է անեղ ու անասնման մոլեգնութիւնը. հսկայական վիշապի նման ծառացող և աշխարհներու

սպառնացող Չարհուրանքը հո՛ն է, ապառաժնե-
ներուն մէջ, գետերուն մէջ, ուկիւնսոսներուն մէջ:

Ես յաղթական կ'ուզեմ ապրիլ. անողոք և
անարկու կուզեմ ապրիլ: Հեռո՛ւ, ճշմարտութիւն.
Ես կուզեմ հոգիս կապել յաղթական Ապառա-
ժին, յաղթական Գետին, յաղթական Ուկիւնին:

1916



Վ ր է ժ Ը

Հօրս փշրուած գա՛նկն է ադ.

— Ա.յո՛.

Տո՛ւր: Աչքերը փոքուած դէմքերը եղբայրնե-
րուս դէմքերն են, այո՞. տո՛ւր:

Խոշանդուած սիրտը մօրս սիրան է.

— Ա.յո՛.

Տո՛ւր. քրոջս փրցուած թեւն ալ տուր: Ա.յո՛
ալ, կնոջս յօշոտուած ստինքն ալ տուր:

Սպասէ՛, սպասէ՛.

Փշրուած գա՛նկ, հա՛յր, պարտականութիւն-
ներս կատարեր եմ, չըսի՛ր. չեմ կերած զաւակնե-
րուս կերցուցեր եմ. ոտքի ելեր են, արիւն քրք-
տինք մտեր, աշխատեր զիրենք դպրոց տուեր եմ.
օր մը, թոշակի համար վարժապետի երես չեմ
գարձուցած. չըսի՛ր կէնս հարսնութենէն ոտքը կօ-
շիկ մէջքը շալ է ունեցեր. մէկ ուզեր է, երկուք
բերեր եմ, առնը ամաններով լեցուցեր է: Ամէն
տարի, իւզն ու շաքարը, բուրդն ու բամպակը,
թանն ու թացանը ճար ճարակ ըրեր ժամանակին
պատրաստ ըրեր եմ. օր մը օրանց ալ խոռով չեմ
կեցած հետը, անկողին բաժնած չեմ, չըսի՛ր:

Չըսիր, երբ բռնութիւն բանեցուցեր եմ, իմ կարգին երբ չեմ սպասեր անանկ չեմ ջրեր արատ փոխ ցորեն ու փոխ դրամ երբ առեր ու վերադարձուցած չեմ. ուրիշին թուժբին երբ մտեցուցեր եմ եզներս. անիրաւութիւն երբ ըրեր սահմանէն անդին չեղիր եմ արօրս :

Խոշտանգուած սիրտ, մայր, զաւակներուս վերայ եթէ օր մը հոգիս չէ տրոփած, ըսէ՛ք. եթէ անօթի եղեր են հաց ուղեր են չեմ առեր, ըսէ՛ք. հիւանդ եղեր են, եթէ պահիկ մը իրենց քովէն հեռացեր եմ երկինքը թող վրաս փլի: Չեմ եփեր, չեմ կարեր, չեմ լողցուցեր, օրը երկու անգամ առնիս ներսն ու գուրը չեմ աւելեր, Ս Աստուածածինը վկայ, եթէ կը կասկածիք գացէք, հարցուցէք. չըսիր մայր:

Փորուած աչքեր, իմ անբախտ եղբայրներ, դպրոց կ'երթանք չըսիր:

Փրցուած թե՛ւ, քոյր, մայրիկը ե՛լ ըսէ, կելլեմ, քնացիր ըսէ, կը քնանամ, ես մեռնիլ չեմ գիտեր չըսիր:

Յօշոտուած ստինք, հա՛րս, վերը Աստուած, վարը կեսուրս, պատիւս չե՛մ սեւցուցած, օր մը այր մարդու ծուռ աչքով չե՛մ նայած. կեսուրիս ու կեսարիս հնազանդ և ամուսինիս ըրած ուխտիս հաւատարիմ՝ պատուիս վրայ, արեւիս վրայ կ'երդուրննամ չըսիր:

• • • • •

Եղբայրութեան մատենը մի ցցներ ինծի, Աստուած. անոր ընթերցումը ըսիր որ մարդը քեզի պէս կ'ընէ, չե՛մ ուղեր, աստուածութիւնդ ալ


չե՛մ ուղեր, Աստուած: Ներողամտութիւնը որ ձեռքի մը պէս դաջն կը բանար, կը նետե՛մ: Հեռու հեռու ինծմէ ներողամտութիւնը, յուսախարութեան գործիք, պատրանքի բանալի: Գեռ երէկ, նուիրական սրբութիւն մը կը հաւատայի, հոգիս մէջ կը պահէի, անիծեալ յուսմէ, հիմա ոտքերուս տակ կը տրորե՛մ զինքը: Ալ եղբայրութեան մատենը ինծի համար գոց գիրք մըն է, անպէտ ու անիմաստ: Ներողամտութեամբ դեռ բաց, անօր ընթերցումը՝ մտիկ ըրէ՛ Աստուած մեղադրանք է որ կրնեմ— իջեցուց վար մինչեւ որդը և անկէ ալ թշուառական բրաւ գիս. չփնտոեցին որդը փրճարուեցին զիս, ինչո՛ւ համար, աչքովդ տեսար գուն, Աստուած:

Եղբայրութեան մատենը մի ցցներ ինծի. տաժանագին համբերութեամբ և անյուսահատ յամուութեամբ կարգացի դաջն և զրկանքս գտայ, ցաւս ու տանջանքս, մա՛հս գտայ: Սէրը... գրթութիւնը... ո՛չ, ո՛չ, անոնց սիրոյն, քու սիրոյն, կեանքս հանապազօրեայ պատարագ մեղա հալեցաւ. սպառեցաւ: Յետին մնացորդ մը մնաց անկէ. այդ մնացորդով ալ կըսպաննեմ ես զանոնք. կոպաննե՛մ քեզ, Աստուած:

Ստութեան դաշտին պէս հարթ ու տափարակ է ճամբադ, թռի՛ր հիմա, ի՛ժ, անդունդներ կային ուր թաւալգլոր պիտի գահավիժէիր, չկա՛ն, չկա՛ն անդունդներ ալ չկան: Աստուած, Գթութիւն, Անյիշաչարութիւն, Սէր, իրենց դիակներով ու մոխիրներով լեցուցին զանոնք. անոնց դիակներուն

ու մոխիրներուն վրայէն՝ իմ ջարդուած ոսկորնե-
րուս և փրցուած միտերուս իժը, սողա՛ հիմա,
խուժէ՛ մըրկավար, աչքերուդ արիւնամուլի կըտ-
ղանքը և աղօաններուդ վրէժխնդիր կիրքը ո՛ւր որ
կ'առաջնորդեն քեզ :

1916



ԴՈՒՆ ՎԵՐԸ ԵՍ ՎԱՐԸ

Ինչպէս կուզես, այնպէս դատէ, դատաստանիդ
չեմ խառնուիր, Աստուած : Աշխարհներուդ մէջ
ամենէն ապիրատը, որ մուցած քեզ և նպատակը
որուն համար ստեղծեցիր զինք, անբարտաւան յա-
ւակնութեամբ ինքզինքը տէր ու աստուած հռչա-
կեր՝ գձուձ ու ետատէր ալ նպատակ մը ընտրեր՝
առեր կը քալէ :

Յուսասիրութիւնդ դառն է և վիշտդ ազէ-
կըտուր, Աստուած :

Աշխարհներուն ամենէն գեղեցիկը ըրիր, ամե-
նէն գեղեցիկ արեւը փայլեցուցիր վրան, մըթ-
նոլորտներուն ամենէն հրաշալին պարգեւեցիր, ջը-
րերուն ամենէն անուշը բաշխեցիր իր աղբիւրնե-
րուն և գետերուն :

Ու հիմա, բոլոր աշխարհներուդ մէջ՝ որոնց
չատ շատերուն դեռ անձանօթ է արեւը, աղբիւ-
րին գլխանքը կ'անդիտանան և մթնոլորտին քաղցր
հեշտանքը, և սակայն չչեղեցան նպատակէն զոր
սահմանեցիր իրենց համար ախեղերական համբարգին
մէջ, ինքը միայն մեղաւոր... սրտմտեցուցիչ...
ինքը մինակ դատաստանի տակ... :

Սրտատուժիւնդ բանաւոր է և դատաստանդ
արդար, Աստուած :

Քուկինին պէս իմ յուսախարուժիւնս ալ դա-
ռըն է և վիշտս աղէկատւր . Ի՞մ ալ սրտատու-
ժիւնս քուկինին պէս բանաւոր է և արդար, Աս-
տուած, ու դատաստանս ալ . . . վրիժարոյր . . .

Քայց ինչո՞ւ, Աստուած .

Դուն վերը, երկնքի մէջ երկրին դատաստա-
նը կ'ընես .

Ես ալ վարը, երկրի մէջ թուրքին դատաս-
տանը կ'ընեմ :

Ես քու դատաստանիդ չեմ խառնուիր, դուն
ալ իմ դատաստանին մի խառնուիր :

1917



ԵՅԷ ՀԱԻՍՏԻՍ ՉԵԼԼԱՐ

Նուէր խնայարուք յուսախարակիս Շ. Ռ. Պէրի
Փեփրոնէ Տէրմանուէլեան, քոյր,

Գիւղէն ելաք, ճամբուն վրայ, Բալուի մօտ
Սիրավարդս ինքզինքը գեար նետեց : Ջրերը
պիտի ցամքէին, հաւատա, քոյր, թռչունները
մէկ անգամէն պիտի լռէին, մողէղ մը իր բոյնին
մէջ չպիտի խլրտար, ո՛չ բոյր, ո՛չ գոյն . ծառ,
ծաղիկ, ամենն ալ դաշկահար . հովերուն հետ ի-
րեկոյ հծծիւնն ալ պիտի մեռնէր :

Եկաք Պախրմատէն, ձորի մը մէջ, հայրս
նահատակուեցա՞ւ :

Քարերը կտոր կտոր պիտի ըլլային, ժայռերը
պիտի աղաղակէին, լեռները իրենց հիմերուն
մէջ պիտի սարսէին, անտառները պիտի բռնկէին,
երկինք ու երկիր իրարու վրայ պիտի կործանէին :

Քաղաքի մը մէջ իրարու ետեւ եղբայրներս
մեռա՞ն :

Հաւատա՛, քոյր, երկու ձեռքերս երկինք
կը նետէի, կը քաշէի, վար կը բերէի երկինքը,
ժայռերուն կը զարնէի, ջարդու փշուր կ'ընէի :

Ամենէն վերջ, Հալէպի մէջ, կսկիծէն ու
թշուառութենէն մայրս մեռա՞ւ : Ապառաժներ

կ'առնէի, Աստուծոյ սրտին կը նետէի, իր զթու-
թիւնը եօթը կտոր կընէի. հաւատա՛, քո՛յր :

Եթէ Սիրավարդս մեռցուցին և ուզեցի որ
ջրերը չկտորին, նորէն դարձ ընեն մարգերուն
չուրջը, նորէն համբոյր տան ու համբոյր առնեն
դալարիքներէն : Աղբիւրները չցամքին, դիզլան
դարձեալ, նորէն ձայն տան ուլին ու այծին,
գառնուկին ու ոչխարին : Թռչունները չլռեն, ի-
րենց մեղրածոր հագագներով նորէն բանաստեղ-
ծեն, հրճուեցընեն ու ոգեւորեն արան ու արօտը,
գաշտն ու պուրակը : Մողէցները քարերու վրայ
նորէն սողոսկին : Ծառ, ծաղիկ, թուփ ու կա-
նաչ պահեն իրենց բոյրն ու գոյնը, նորէն չբուին
ու սանաբուին և ա՛խը քաշեն հովերուն : Եթէ
ուզեցի որ հովերը լսեն իրենց հառաջը, նորէն գան
տարփօրէն գգուելու և վէտվէտելու իրենց մազերը :

Եթէ հայրս նահատակեցին և ուզեցի որ քա-
րերը չճչան, լեռները անզգայ կենան իրենց սե-
ղը, անտառները չբռնկին :

Եթէ եղբայրներս մեռցուցին և ձեռքերս երկինք
չնետեցի :

Մայրս մեռցուցին, ապառաժներ չառի Աս-
տուծոյ սրտին չուզեցի :

Հօրմէ, մօրմէ, եղբայրներէ զուրկ՝ եթէ տա-
կաւին խնայեցի աշխարհին, իր արեւը չմարեցի.
ուզեցի որ աշխարհը իր արեւով ու կիանքով նո-
րէն շարունակէ մնալ՝ հաւատաքս էր պատճառը,
քո՛յր, հաւատա՛ : Հաւատաքս՝ թէ բոլոր այս մա-
հերը կամեցող և ընող կամքը տգէտ էր կամ հի-
ւանդ : Տգէտին և հիւանդին Աստուած կը ներէ,
մա՛րդն ալ ներեց, քո՛յր... Ո՛վ է, ինչ է մար-

գը. գոց զիրք մը որ կարելիութիւնը ունի բաց-
ուելու : Զբացուած ու չկարդացուած մարդը գա-
ղան մըն է. կարդացուած՝ կէս մարդ, կարդաց-
ուած և կոտարուած՝ մարդ : Այն գոց գըքին՝ որ
մարդ կարելիութիւնն է, բացողը մտածումն է, և
կարդացողն ալ ինքը, մտածումը. անոր ոգին
իրականացնողն ալ կամքը, բանաւոր կամքը : Այն
գըքին մէջ գրուած է որ, քո՛յր, մէկ տիեզերա-
կան հողի կայ. թէ աշխարհի մէջ, անճատ,
ինքնիր մէջ առանձին բան մը չկայ. թէ մարդը
ամէն ինչ է և ամէն ինչ մարդուն էութեան մաս
կը կազմէ, թէ տիեզերականութիւնն է մարդը.
կարդալով ու ճանչնալով ինքզինքը, կարդացած
ու ճանչցած կ'ըլլայ իր տիեզերականութիւնը, ու
ճանչնալով պետի սիրէ, միայն պիտի սիրէ, ամէ՛ն
բան, քո՛յր, ալ ո՛չ մէկ բան օտար չպիտի զգայ իր
սրտին : Աշխարհի վրայ չարագործ ու մարդատեսաց
չկան, ինչպէս չկան բարեգործ ու մարդասէր : Մի՛
բար մարդատեսաց, քո՛յր, անոնց որ ինքզինքնին
չեն կարդացեր, և բարեգործ ու մարդասէր մի՛
բար անոնց որ ինքզինքնին կարդացեր են :

Աւազակ, անբարոյական, նենգ ու կեղծաւոր
մարդեր չկան աշխարհի վրայ, ինչպէս չկան ան-
մեղ, առաքինի և անկեղծ մարդեր : Աւազակ մի՛
բար, անբարոյական, նենգ ու կեղծաւոր մի՛ բար
անոնց որ ինքզինքնին կարդացեր են բայց չեն
աջնպէս ինչպէս պէտք էր ըլլային : Հիւանդներ են
անոնք, քո՛յր, ժառանգական ախտաւորներ. ան-
մեղ, առաքինի, բարոյական ու անկեղծ մարդեր
ալ մի՛ բար անոնց որ ինքզինքնին կարդացեր են :

հիւանդ չեն և կ'ապրին այնպէս ինչպէս պէտք էր
ապրէին :

Իրաւունքն ու պարտականութիւնը գոց գրք-
քին մէջն են : Մի՛ դատապարտեր , քո՛յր , այն որ
իր պարտականութիւններուն մէջ զանցառու է և
մի՛ փաստարաններ այն որ չէ : Չէ կարգացեր , չի
գլխեր . կարգացեր է , գիտէ :

Չկան , քո՛յր , արդար ու մեղաւոր , չար ու
բարի չկան աշխարհի վրայ : Արդարութիւն , մեղք
չարութիւն և բարութիւն չկան : Կան միայն գիտ-
ցողներ և տգէտներ , առողջներ և հիւանդներ .
կան գիտցողի գործեր և տգէտի գործեր . առողջի
գործեր և հիւանդի գործեր : Տգիտութիւն և գիտու-
թիւն , առողջութիւն և հիւանդութիւն կան միայն :

Թող չըսեն , քո՛յր , մի սպաններ , մի չնար ,
մի գողնար , մի հայհոյեր , մի ստեր , չարութիւն
մի՛ ըներ . մի՛ ըներ ուրիշին ինչ որ չես ուզեր որ
ուրիշը քեզի ընէ : Բարի եղիր . սիրէ ընկերդ ան-
ձիդ պէս և բրէ ինչ որ կուզես որ ուրիշը քեզի
ընէ : Թող չըսեն , քո՛յր , այսպէս գործէ և այնպէս
մի գործեր , այսպէս վարուէ ու այնպէս մի վար-
ուիր :

«Գործէ այնպէս որպէս թէ դուն ըլլայիր միա-
ժամանակ օրէնադիր թէ հպատակ ազատ և բանա-
ւոր կամքերու թագաւորութեան մէջ» . «այնպէս
որ մարդկութեան հետ վարուիս , ա՛յնքան քու
անձին որքան ուրիշին անձին՝ իբրև վախճանի
մը , երբեք միջոցի մը հետ» և «այնպէս որ դուն
կարենաս կամիլ որ քու գործիդ սկզբունքը կարե-
նայ հոչակուիլ իբրև տիեզերական օրէնք» (Քանթ)

անբարոյական մըն ես , եթէ հակառակը ընես , ին-
չո՛ւ ըսել :

Բարոյագիտութիւնը կրօն է . կատարելութիւնն
է նպատակը մարդկային կեանքին . կատարեալ և-
ղիւր . կատարեալ պիտի ըլլաս երբ ըլլաս , և ներ-
դաշնակ ըլլաս : Ուրեմն զօրաւոր , հզօր , ստեղծա-
գործող եղիր , և ներդաշնակ եղիր . ներդաշնակ՝
ինքզինքիդ հետ և նմաններուդ հետ : Թող ըսէ՛ ,
թող ըսեն՝ , քո՛յր , կարգա՛ դքեզ , եկուր կարգացը-
նենք զքեզ . ճանչցի՛ր զքեզ , եկուր ճանչցնենք
զքեզ քեզի :

Թող չհարցնեն ինչ է նպատակը կեանքին ,
ինչ է օրէնքը , պարտականութիւնը : Այս և ուրիշ
ամէն իմաստասիրական հարցումներու բացատրու-
թիւնը այն գոց գրքին մէջ կայ . զայն բացող կար-
դացողը միայն գիտէ , քո՛յր :

Բայց ինչպէ՛ս կարելի է կարգալ գայն . այդ
գիրքը , մարդ կարելիութիւնը : Ահա ծուխի պէս
մատախուզ մը բռներ կեցեր է իր չուրջը . մտածումը
զայն իր յատակութեան ու պայծառութեան մէջ
ինչպէ՛ս կարենայ կարգալ : Ի՛նչ շփարատած , քեզի
պէս կը մտածեմ , քո՛յր , ես ալ , անկարելի է ճիշդ
կարգալ նախ փարատելու է մտախուզը : Սու-
տին ու սխալին շողիներէն կազմուած է ան , երբ
հարածունին սուտն ու սխալը , այն ատեն կը հա-
լածուի իրենց հետ և իրենց մտախուզը : Ասանց
վատարանը ընկերութեան շէնքին մէջն է և ծխանք
ուրիշ շողին դուրս կուգայ , կը տարածուի մինչև
մեր մայն ու սակորին մէջ , լեցնելով մեր բնութեան
սլորտը , պարուրելով մեր սիրտն ու հոգին , ան-

չնոր՝ դաստիարակութիւնն է : Անչնոր՝ դաստիարակութեան ծիանին մէջէն սուտին ու սխալին ծուխը կուգայ մեզի , քոյր :

Ընկերային շէնքին բոլոր բաժանումները մտի՛ր . ո՛չ մէկուն մէջ լուսաւորութիւն , մաքրութիւն և ներդաշնակութիւն : Միութիւն , տեղութիւն և խառնակութիւն միայն , քոյր : Հաստատութիւն սակայն ճշմարտութեան վառարանը , ճշմարտ դաստիարակութեան վառարանը իր մաքրափայլ ծխանով . այն ատեն , անոր արձակած ցոլքերէն ընկերային շէնքը պիտի լուսաւորուի . անոր բաժանումներուն մէջի անմաքուր ու խառնակ վիճակը ակնյայտի պիտի երեւի և գեղեցկին բնածին սիրահարը չպիտի ուշանայ , քոյր , մաքրութիւնն ու ներդաշնակութիւնը ստեղծել հոն :

Ճշմարտութեան լոյսը , ինքնաճանաչութիւնն իրեն հիմ ու սկզբունք ունեցող դաստիարակութեան ճրագն է որ պիտի վտռէ մեր հոգիներուն դիմաց : Այն ժամանակ միայն սուտին ու սխալին շողիներէն կազմուած մշուշը տեղի պիտի օտայ . պայծառութիւն մը և այդ պայծառութեան մէջ մարդը պիտի կարգայ և ճանչնայ ինքզինքը : Ինքը — Աստուած . . . :

Վարագոյրը քաշէ , քոյր , մինչև հիմակուան մեր սիրած ու պաշտած կրօնքին , պետութեան , դպրոցին ու գրականութեան վրայ : Նոր կրօնք . նոր պետութիւն , նոր դպրոց ու նոր գրականութիւն , քոյր :

Թո՛ւրք , դուն որ սպաննեցի՝ հայրս , մայրս , եղբայրներս , քոյրս , սպաննեցիր ցեղս , իմ սիրելի

հայրենիքս իր անթիւ բիւրաւոր անմեղ հոգիներով . Դուն ազէտ էիր կամ հիւանդ . ազէտ՝ կը ներեմ . հիւանդ՝ կը զթամ քեզի :

Բայց մտիկ ըրէ՛ , եթէ ճակատագրիդ մատենէն լոյս մը ճառագայթէ մտածումիդ վրայ : կարգաս ու ճանչնաս ինքզինքդ , իրապէս ու ճշմարտապէս , այն ատեն կը մօտենամ , խանդադատանքով կը գիրկնդխառնուիմ հետդ , կը համբուրեմ ճակատդ , եղբա՛յր , իմ սիրելի եղբայր , եկո՛ւր , կ'ըսեմ քեզ , եկուր , մեր հոգին մէկ է : մեր ճակատագիրը և մեր նպատակը մէկ , եկո՛ւր մեր նպատակին աստղը մեզի ուղեցոյց , եկո՛ւր քաղնիք միասին :

1917 .



Մ Ի Թ Ք Ն Ե Ր

Այդ փրփուրին տակ, աստուածութիւն կայ.
Թուրք փրփուրին մէջէն աստուածութեան
կը հասնի մի' թքներ.

Արբուժիւնը մի' պղծեր, այդ կանաչ ու
գեղնորակ զգուանքին վրայ մի' թքներ:

Անմեղութիւնն է տակը, զգուշացիր:

Ինքը երկինքէն իջեր է, իր հոգին երկնքին
պէս վճիտ է և ժարուր:

Անբծութիւնը կը բնակի մէջը, գարշանքը իր
անկողինը փութ է վրան ինք ի'նչ ընէ:

Այդ կանաչ ու գեղնորակ փրփուրին վրայ
մի' թքներ: աստուածութիւն կայ տակը:

Չե՛ս հաւատար.

Բանամ, նայէ.

Արեւը չե՛ս տեսներ:

1917.



Մ Ի Կ Տ Ր Ե Ր

Թրթուր կապեր է վրան, թրթուրները քա-
ղէ, նեռէ, բայց ծառն արմատէն մի' կորեր.

«Օղուտ չունի. միշտ կը քողեմ, կը նեռեմ
ու միշտ նորէն թրթուր կը կապէ», մի' ըսեր և
արմատէն մի' կորեր.

«Ինք կը կապէ, հոգ չընեմ, քովիններն ալ
կը վարակէ».

Պարտիզպան ես, հոգածու եղեր, մի' թողուր
որ թրթուր կապէ.

«Արչափ հոգամ, զուր է. իր բնութեանն է,
թրթուր կը կապէ».

Իր բնութեան մէջ աստուածարմատ ուժը
կայ, ստեղծագործ զօրութիւնը. հողին ու լեռան
յաղթելով՝ վերամբարձող անտարակուսելի կարո-
զութիւնը կայ միայն.

Թրթուրը իր հոգիէն չի գար.

Պարտիզպան, ծառն արմատէն մի' կորեր:

1917.



ԵՒ ՍԱԿԱՅՆ ՑԵՒ

Գարշապարներու տակ .

Մի՛ յուսար , հողագործ .

«Շատ բերրուած չէ» .

Ո՛չ , հողագործ . որչա՛փ կուզես , բերրէ ,
պարապի է .

Թափած աշխատանքէդ ալ չէ , մի՛ ըսեր որ
չաշխատեցայ .

Յերեկին հետ դիշերն ալ մի՛ կենար , աշխա-
տէ՛ . Նրերու պէս քրտինք վազցուր , զուր է ,
հողագործ .

Գարշապարներու տակ .

Թող ծլի՛ .

Պիտի տրորուի բայց շուտով .

Այո՛ , մի՛ շտ ցեխ .

Ագնուազոյն սերմ և լուազոյն հերկ .

Նորէ՛ն ցեխ ու նորէն ցեխ .

Վա՛խ , հողագործ .

Բան մը ըսե՛մ քեզի . հողագործ .

Արտիդ չորս բոլորը պատ քաշէ :

* .

Իրա՞ւ , քո՛յր .

Ճիշտ այսպէս կը մտածես դո՛ւն ալ .

Գարշապարներուն տակ . . .

Մոլութիւններու . մոլէռանդութիւններու . սը-
նապաշտութիւններու .

Ազգիւրնին ցամքեցնել . ճամբանին գոցել .

Պատուար քաշել իրենց դէմ .

Եթէ ոչ .

Որչա՛փ կուսուցանես , ուսուցանէ՛ . որչափ կը
խրատես , խրատէ՛ .

Մի՛ շտ ոճրագործ , մի՛ շտ թուրք .

Մի՛ շտ ցեխ :

1919 .



ԹՈՒՐՔԻՆ ՄՏԱՒՈՐԱԿԱՆԸ

Ինտակ մը ջուր .

Յզկուած , բնտիր ջաղացքար մըն ալ .

Անիւնները կատարեալ են . մի՛ կատկածիր .

Ջաղացպան ետ , օգնեմ քեզի . ջաղացքարը
տեղը դիր , անիւնները տեղուորէ և ջուրը վաղ-
ցուր

Ջաղացպա՛ն .

Սեւ հունտեր կան , լեզի ոլոսներ կան , ջա-
ղացպան .

Ջրաղացիդ արժանիքը ի՛նչ է .

Ջուրն յորդառատ կը վազէ .

Ջաղացքարը կը դառնայ .

Մնիւնները թերութիւն ունին ալ , չես ըսեր .

Յորենիս հետ քանի մը սեւ ոլոսներ . . .

Թող ըլլան .

Յորենս ձերմակ է և մարուր .

Ջաղացպա՛ն ,

Պիտի խենթենամ . . .

Չիւնի պէս ձերմակ և լոյսի պէս մարուր
ալիւր . . .

Ոլոսներուն սեւութիւնն ի՛նչ եղաւ ջաղացպա՛ն .

— Յորենին ձերմակին մէջ անհետացաւ .

Լեզիութիւննին ո՛ւր գնաց .

Յորենին քաղցրութեան մէջ լուծուեցաւ ,
անհետացաւ :

Իե՛ր քակիւնդ ալ .

Սըւոր ցորենն ալ , ջաղացպա՛ն .

Սմբողջովին սեւ որս է մի՛ ըսեր .

Ճերմակ հատիկներ կան . . .

Բանի մը հատ . ի՛նչ հոգ բայց .

Ջաղացպա՛ն , ջաղացքարը կեցո՛ւր .

Կը գալաննամ .

Սե՛ւ ,

Բայց ինչո՞ւ .

Ջաղացքարը անթերի .

Ջուրն յորդառատ կը վազէ

Անիւններն ալ լաւ կը դառնան .

Ալ ինչո՞ւ սեւ , ջաղացպա՛ն .

Ճերմակ հատիկները ի՛նչ եղան , իրենց քաղց-
րութիւնը ի՛նչ եղաւ ջաղացպան .

— Ոլոսին լեզիին մէջ անհետացաւ .

Իրենց ձերմակութիւնը ի՛նչ եղաւ .

— Սեւին մէջ լուծուեցաւ :

Մի՛ դարձանար , քո՛յր .

Իեւ ջրաղացէն չանցած քանի մը հատիկնե-
րով գէթ ձերմակ , ջրաղացէն դուրս , սե՛ւ , սե՛ւ ,
սմբողջովին սեւ .

Ճի՛շդ թուրքին պէս , քո՛յր :

1919



ՍԿԶԲՈՒՆՔԻՆ ՄԻ ՆԱՅԻՐ

Որդ ծնաւ .

Ծառ պիտի ծնէր .

Ընտիր պտուղով, գեղեցիկ տերեւով ծառ մը
պիտի ընծիւղէր .

Ոչ բարտիին չափ բարձրահասակ, ոչ ալ ու-
ռենիին պէս բազմաճիւղ .

Բայց վերջապէ՛ս ,

Խոստովանէ՛ .

Ճիւղիկ մը պիտի ունենար յոգնած թռչնիկի
մը կայան ընելու և պապիկ մը, հողի զաւակ մը
անուշքերնելու համար :

Բայց ինչպէ՛ս, ինչպէ՛ս, կը զարմանաս .

Որդ ծնաւ .

Գարշելի կաթը զգուելի մօր .

Հողին՝ որ հունար սրդ բրտա .

Ի՛նչ համբոյր էր իր համբոյրը .

Ձոր հունան առաւ ,

Ի՛նչ կաթ էր և իր կաթը


Ձոր հունար ծծեց ու սրդ եղաւ .

Ծառի մը հողին ունէր մէջը . ծառ պիտի
ծնէր .

Որդ ծնաւ . . .

Ինչո՞ւ այդքան կը զարմանաս բայց, քո՞յր,
Դուն չբարձր որ հայ մանուկէն թուրք ծնաւ :

1919



ԲՆՈՒԹԻՆ ԵՒ ԴԱՍԽԱՐԱՆՈՒԹԻՆ

Քո՞յր . մտիկ քրէ դուն միայն . հարցումները
ես պիտի ընեմ ու ինքը պիտի պատասխանէ,
հողագործը, լերան ստորոտն ու վրան տարած-
ուող սա արտերուն դաստիարակը :

— Արտերուդ բերքը ինչո՞ւ ամէն տեղ նոյնը
չէ . հողագործ . նոյն հողը, նոյն զօրութիւնը հո-
ղին որով պղտիկ հունար կը ծլի ու կը մեծնայ :
Նոյն արօրով հերկեցիր ու նոյն սերմով սերմանե-
ցիր . չէ՞ . բայց ինչո՞ւ բերքն ամէն տեղ նոյնը չէ .
հողագործ :

Ամբողջովին փուշ ու աստասկ, խոլորձ ու
կաղչնակ :

Դուն մի՛ ըսեր, ես ըսեմ . ոչ հերկեր ես, ոչ
ցաներ ես : Խոպան արտերդ են ասոնք : Ճիշտ
չե՞մ ըսեր, հողագործ :

Կեցի՛ր . կապոյտ, դեղին . սև ու կարմիր խո-
տեր կան սա արտերուդ ցորենին հետ խառնուած
բայց միեւնոյն հողին, միեւնոյն արալին վրայ՝
կապոյտ, կարմիր, սև ու դեղին խոտեր ցորենին

հետ քով քովի... թող ափ ի բերան պահ մը
դարձանամ, հողագործ:

Քրտինք թափեր ես, լաւ հերկ ըրեր ես,
բայց ճրագի ազօտ լոյսով ընտրուած սերմ մը,
խառնակ, անմաքուր սերմ մը սերմաներ ես, ի՛նչ
կըսես, հողագործ, լեռան կողին վրայ փռուած
սա արտերուդ սերմին համար եթէ սուտ կ'ըսեմ
բռէ:

Չըլլայ որ մաքուր, անխառն սերմ մըն էր,
պայծառ արեւին տակ ընտրուած՝ զօր նետեցիր,
բայց արօրդ չփորեց մինչև բնդերքը հողին, չկըտ-
րեց արժանները փուշին, երակները վայրի խո-
լորձին, թրթուռչին ու կաղչնակին... լեռան սա
միւս կողմին վրայ փռուած արտերուդ համար
ճիշդ չեմ ըսեր եթէ, բռէ, հողագործ: Գերա-
զանց արտերը կը փնտռեմ:

Գերազանց արտերդ անո՞նք են: Հողը նոյնը.
բոլոր այս միւսներուն նման, բայց լաւագոյն
հերկուած ու ընտրելագոյն սերմով սերմանուած:
Քո՛յր, յորնիմ պիտի մի՛ ըսեր, եկուր քայլէ ինձի
հետ գէպի այն արտերը:

Օտարտի խոտ մը չպիտի տեսնեմ. փուշ,
թրթուռչ, խոլորձ ու կաղչնակ չպիտի տեսնեմ
այդ արտերուդ մէջ. հողագործ:

Պայծառ արեւին տակ, մեղմօրօք գեփիւռին
գիծաց՝ գեղեցիկ են իրաւ որ: Հիացումիս ան-
կեղծութեան հաւատա՛, հողագործ:

Հաւատա՛ ու կրկնապատիկ հաւատալով հա-
ւատա՛ ու սակայն որ. ի՛նչ ալ ընես, արօրդ որ-
քան ալ խորունկ փորէ ու նետած սերմդ ալ որ

քան ալ մաքուր ըլլայ, դուն չպիտի կրնաս
բուսցնել, հողագործ, անխառն, աստուածային
կանաչը, ցորենի՛ կանաչը: Բայց պատի՛ւ քեզի,
ցորենն է հոս բարձրակարկառ, տիրակա՛ն, և խո-
տերն են սարուկ, գերի, սմտեղուկ: Բայց կան:
Գձուձ, սմտեղուկ խոտեր կան, պիտի ըլլան, և
մի՛շտ պիտի ըլլան անոնք. որովհետև արօրէդ ու
սերմէդ անկախ, հողին բնութիւնը մի՛շտ պիտի
բուսցնէ իրը, փուշն ու թրթուռչը, խոլորձն ու
կաղչնակը:

Ճի՛շտ արտերուն պէս են ազգերն ալ, ժողո-
ղերն ալ, քո՛յր:

1919



ԱՐՏԱՔՍՈՒՄ

Պարտիզպան .

Չա'ր .

Պարտէզին մէջ . . .

Ես չըսեմ , դուն բռէ .

Վարդենիներն ամբողջ գեղներ են .

Աշխատեր ես , չեմ ծուլացեր .

Ամէն մէկուն զատ զատ խնամք , հոգածու-
թիւն . . .

Ես քեզի ծոյլ , ապիկար ե'րբ ըսի .

Բայց ինչ ընեմ .

Վարդենիներն ամբողջ գեղներ են :

Պարտիզպան ,

Չա'ր ,

Վայրի ծառ մը .

Ճի'շդ պարտէզին մէջտեղը ,

Սեւ տերեւով , սուր փուշերով .

Չա'ր , դուն , պարտիզպան .

Սեւ տերեւով , սուր փուշերով վայրի ծառին
հովանւոյն տակ գեղներ են .

Բնիկ , ազնուական , գեղեցիկ վարդենիները
պարտէզին :

Անգղ մը բերաւ նետեց հունար .

Հողը բերրի , ծլաւ , արմատ նետեց ու մեծցաւ :

Սեւ տերեւով , սուր փուշերով վայրի ծառը
Հասակ առաւ , բարձրացաւ .

Աւերակին մէջ պարտէզին . . .

Իր շուքին տակ , տե'ս , հիմա .

Պարտիզպան ,

Չա'ր .

Վարդենիներն ամբողջ , լոյսի ծառաւ կը թօշ-
նին :

Պարտիզպանու թիւն ընել դուն չե'ս գիտեր .

Պարտիզպան , պարտէզին դուռը գոցէ .

Բանալին ինձի :

1919 .



ԱՆՉԱԻԱՏՈՒԹԻՒՆ . . .

Կ'ըսեն թէ արեւը Հայաստանի մէջ իջեր ճի'շդ հողին վրայէն կ'անցնի հիմա . . .

Չեմ հաւատար . . .

Ճի'շդ հողին վրայէն . . . բլուրներուն ու թուփերուն վրայէն . . . ծառերուն, աղբիւրներուն, արտերուն, արօտներուն, տուններուն ու մարդերուն վրայէն . . .

Հօ՛յ, հօ՛յ, հողը արեւին հետ գիրկ գրկի . . .

Ծառերը, աղբիւրները, արտերը, արօտները արեւին հետ շրթունք շրթունքի . . . Բայց դարերու կարօտով, հալումով, սպառումով, բռէ՛ք, Աստուած, երկի՛նք, գետի՛նք, ինչպէ՛ս, ինչպէ՛ս մարդերը կը գրկեն, ինչպէ՛ս կը համբուրեն արեւը, . . . Արեւը իր թեւերը ինչպէ՛ս կը բանայ ինչպէ՛ս կը գրկէ արտերը, աղբիւրները, մարդերը . . .

Չեմ հաւատար, արեւը անհունէն կ'անցնէր, առանց աչք մը նետելու վար, պաղ, անտարբեր, անհունութեան մէջէն կ'անցնէր, կ'երթար . . .

Կ'ըսեն թէ արեւը հիմա Հայաստանի մէջ իր ստինքը ճի'շդ հողին վրայ կը բռնէ . . .

Չեմ հաւատար . . .

Հօ՛յ, հօ՛յ, իր մեղրանուշ կաթը ճի'շդ հողին վրայ կը թափէ . . . Բլուրներուն շրթունքը ճի'շդ իր ստինքին կը քսուի՛ն . . . Ծառերը, աղբիւրները, արտերը, արօտները, տուններն ու մարդերը, Աստուած, երկի՛նք, գետի՛նք, իրա՛ւ իր լուսանուշ, իր մեղրանուշ կաթը կը ծծեն . . . հօ՛յ, հօ՛յ . . .

Չեմ հաւատար . . . Անհունութեան մէջէն իր կաթին չոգին միայն կը մրուրուէր վար . . .

— Հաւատա՛, հաւատա՛, անհաւատ աղայ, արեւը Հայաստանի մէջ հիմա ճի'շդ հողին վրայէն կ'անցնի, իր մեղրածոր ստինքը հիմա ճի'շդ հողին վրայ կը քսուի . . .

1917.



ՈՒՒՏԱՒՈՐԸ Խ.Ի ՄԷՋ

Թշուառական սրբի պէս սղնայարս ծալլեմ,
խեղճ ու ողորմուկ սեղմուիմ՝ գեանին ու սրբու-
փամ: Երբեք: Սոսկումիդ մահասարսուսը, գիշեր,
երակներուս մէջ արիւնս չպիտի սառեցնէ և սա-
կորներուս ուժը յարդի պէս հովին չպիտի տայ:
Հեղեղները թող վազեն. փոթորիկներն ալ թող
մռնչեն. լեռները իրենց ընդերքները թող պայ-
թեցնեն և խաւարը որչափ կուզէ թող թանձրու-
նայ. Պղտտոնի գիշերին չափ թող թանձրանայ:

Յաղթական ու մարտահրաւէր, պիտի գիմա-
կալե՛մ, քեզի, գի՛շեր, պիտի գիմակալեմ սոսկու-
միդ և յամառօրէն և անյուսահատօրէն առաւօ-
տեան պիտի սպասեմ, առաւօտեան արեւին:

Ուխտավայրերուս ճամբան իր շաւիղովը պի-
տի գծուի...

Ուխտա՛ւոր մըն եմ ես:

Ուրուակա՛ն...

Ո՛վ ես դուն. ի՛նչ է.

Մա՛յր մը...

Ի՛նչ է, մա՛յր, ըսէ՛

Ի՛նչ կըսես, մա՛յր, գիշերը այսպէս խաւարա-
չին ու արհաւիրացի պիտի տեսէ և ես զուր տեղը
արեւին ծագման չոպասե՛մ: Դուն այն արեւը
չես գիտեր, մա՛յր. պիտի ծագի անպատճառ և իր
ծագումին՝ երկինքը պիտի խոնարհի համբոյր մը
պիտի տայ երկրին, երկիրը պիտի թափ տունէ այդ
համբոյրէն ու միասին, այն ատեն ծափ պիտի
զարնեն, հանդէս պիտի ընեն ...

Նայէ՛, նայէ՛, մա՛յր, նայէ՛, հորիզոնին նայէ՛,
արդէն իսկ կը ծագի... արեւը.

Դիւթական դշխոյի մը պէս, հորիզոնը, մէկ-
գի նետեց քողը, կարմրալանջ կուրծքը բացաւ,
մերկացաւ... Այն արեւին այգաւետումն է, մա՛յր:
Թռչուններ, դաշտէն ու սարէն, հովիտներէն ու
ձորձորներէն կարտորան, չափ կուտան, չափ
կ'առնեն: Դաշներգը կըսկսի... Մեծ Երգին
նախերգանքն է դեռ այս... Մնդուսէ պա-
րազգեստով, վէտվէտո՛ւն ու ծփծփուն, հովեր
կուզան, զեփիւռներ, սղոխներ՝ քմայօրօ՞ք, նա-
զանքով, շուրջը կը դառնան ծառերուն, գլուխ
կուտան ծաղիկներուն, դարպաս կ'ընեն վարդե-
րուն... Զառկական պարին դեռ նախադարձն է
այս... Ոպասէ՛, մա՛յր:

Ի՛նչ կըսես, մա՛յր:

Կ'ըսես որ մեծ, պզտիկ դաւակ մը չմնաց,
հարս մը, թոռ մը, թուռնորդի մը չմնաց, բոլորը,

բորբը տուներուն մէջ, բանտերուն մէջ, ճամբաներուն վրայ՝ սպաննեցին, մեռցուցին և հայրենիքը, իրենց ցեղին մայրը, իր անմխիթարութենէն, ցաւէն ու կսկիծէն, սրտմտեցաւ, լացաւ, մորմոքաց ու անիծեց կամելով որ այս երկրին վրայէն ա՛լ արև չանցնի՞ : Կ'ըսես ահագնազդորդ ժայթքումները որ քիչ առաջ կը տեսնէի՝ իր սրտմտութեան պոթկումներն էին, պակուցիչ հոնգիւնները զոր կը լսէի, իր մորմոքին հեւքն էին, հեղեղագոյ աղմուկները իր յորդավէժ արցունքն էին և խաւարակուռ մութը իր անէծքն էր որ լեռներուն արտեւաններէն ալ վեր մինչև երկինք ըարձրացեր էր որպէսզի ամեն տեղ որբւնին անցքը խափանուի և միշտ սեւասքող որբւնի վայրի՝ երկիրը իր երեսը ծիւ մը, ծաղիկ մը, թուփ մը չբուսցնէ, և թիթեռ մը անոնց վրայ չոտտանաւ, բզէզ մը անոնց ծղօտին վրայ չգայ չգայլայլէ : Կը զարմանաս հիմա, մա՛յր, որ հայրենիքին սրտմտութիւնը անցաւ . ա՛լ կուրծքը չի նետեր : Սիրտը չի կոտտար, հեւքը զադրեցաւ : Արցունքները կտրեցան . ալ հեղեղներ չեն վազեր : Անէծքն ալ լուծուեցաւ ու մութը փարատեցաւ . . .

Ի՛նչ կ'ըսես, մա՛յր .

Այո՛, մա՛յր, Աստուծոյ դէմքն ալ զուարթացաւ աչքերը վեր առաւ . . . Կըսես որ իր Տիեզերքը բացած կը կարդար. ատաւ չարիքը, զգաց ու ճիրին անամուրթիւնը, գիրքը ծալլեց, թախիծ մը առաւ դէմքին վրայ և հայրենիքին հետ ինքն ալ սգաւորուեցաւ : Ու հիմա Աստուծոյ երեսը պա-

տած մռայլն ալ փարատեցաւ . դէմքը պայծառացաւ :

Աստուած նորէն իր Տիեզերքը բացաւ . աչքերը նորէն սեւեռեց վրան . . . :


Անտահման զարմացումէն ալ վեր կը զարմանաս մա՛յր, ո՛ր հիմա ամէն կողմէ երգ . ծիծաղ, խնծիլ, բերկրանք, պար, ժպիտ ու դայլայլ է . . . Աղբիւր կը կարկչայ, հարմնետօն կ'ըլլայ. անուշ հոտերով, վարդի խունկերով օծուած զեփիւռներ, սանարուած նղոփներ, թեւ թեւի, շուրջպար կը դառնան : Բլուրներ կը հագուին, լեռներ իրենց վզերէն մանեակ կը կախեն . . . ու վերէն Աստուած մեղր ու ճառագայթ կը թափէ . . . :

Մա՛յր, մի՛ զարմանար, Հայրենիքին Յոյսն է ան, այն արեւը . . . Աստուծոյ ալ յոյսը : Արեւնարբու չարիքը որքան կուզէ թող կոտորէ և կոտորումով որքան կսկիծ ու կոտտանք կ'ուզէ թող տայ, երբ ան ծագի կոկիծն ու կոտտանքը կ'անհետին, հայրենիքը իր ցաւը կը մոռնայ, նորէն կը յուսայ, յուսալով նորէն կը ներէ . . . Ոճիրը իր անամուրթեամբ որքան կ'ուզէ թող դառնացնէ ու յուսահատեցնէ Աստուած, երբ այն արեւը ծագի Աստուած դարձեալ կը յուսայ, յուսալով դարձեալ իր լուսեղէն մատենը կը բանայ, աստղերով, ճառագայթներով ընդելուզուած՝ Սորհուրդ, Սէր, Յաւիտենականութիւն, նորէն կը կարդայ . . .

Հայրենիքին տարաչափործ Աստուծն է ան, այն արեւը . . . անոր մէկ նայուածքէն մեռածները կը վերակենդանանան, Յեղը Յարութիւն կ'առնէ, մա՛յր, մի՛ զարմանար :

Մա՛յր , մի՛ զարմանար և մի՛ կասկածիր երբ
գէ՛մքին վրայ անհուն ժպիտ մը կը գեղանկարուի .
եւրբ ասոր Աստուած ալ կը հաւատայ . .

1917



ԵՐԹԱՅ ԲԱՐՈՎ . . .

Մնա՛մ .

Չէ՛ , Աստուած .

Ալ կ'երթամ .

Ըսի քեզի որ գձուձ կաւէն մի՛ շիներ . լոյս
ունիս , բոյբ ունիս , խունկ ու եթեր ունիս , ա-
նոնց խմորէն շինէ :

Մտիկ չըբիր . հրաշք պիտի ընեմ , ըսիր . լոյս
չէ ու ինքնիրենը լոյս դառնալու կարողութիւնը
պիտի ունենայ . բոյբ չէ , ու ինքնիրենը բոյբ պի-
տի ըլլայ , այդ կաւը , այդ դեզին , այդ կորդա-
ցած կաւը . խունկ ու եթեր պիտի դառնայ , ետ
բոլոր կարելիութիւնները պիտի տամ անոր : Գուն
գիտես . բոլոր պատասխանատուութիւնը քեզի ,
Աստուած , ըսի ու տնօրէնութեանդ միջամուխ
չեղայ .

Չէ՛ , Աստուած .

Ո՛չ իսկ սատուերը ունեցաւ . բոյբին , լոյսին ,
խունկին ու եթերին ոչ իսկ զգայնութիւնը ունե-
ցաւ . գձուձ կաւը մնաց մի՛շտ անփոփոխ կաւ և
յուսահատութիւնը վարկեան մը չթողուց զիս մի-
նակս . հալածեց զիս , և՛ իմ արթնութեանս և իմ
քունիս մէջ :

Անկարելի է. հրաշքիդ վրայ մի՛ յուսար-
այդ դեղին, այդ անխճեալ կաւին վրայ հրաշք չէ՛
բանիր, ըսի, դուն մտիկ չըրիր :

Այլ յուսանատու թիւնը կը խեղդէ զիս բայց .


Ես կ'երթամ, Աստուած .

Անվերագարձ կ'երթամ .

Ես կ'երթամ, հեռու, հեռու աշխարհ մը .

Կ'երթամ աշխարհ մը, Աստուած, ուր մար-
դուն խմորը կաւ չէ. այլ լո՛յս է, բո՛յր է, խունկ
ու եթեր է. հոգին լոյսի, բոյրի, խունկի ու եթե-
րի խմորէն շինուած մարդերուն աշխարհը կ'եր-
թամ .

Կ'երթամ՝ Հայաստան . . . :



ԵՐԹԱՅ ԲԱՐՈՎ . . .

Յիշեցո՛ւր որ ըսեմ, Աստուած :

Այն աշխարհը որ աշխարհներուն ամենէն գե-
ղեցիկն է . . .

Ուր մարդն այնպէս է, ինչպէս շինեցիր . դէմ-
քին վրայ պատկերդ և հոգիին մէջ հոգիդ բնաւ
եղծանած չեն :

Այն աշխարհը ուր մահ կայ բայց մեռնիլ
չկայ :

Յուս կայ եւ ցաւին անունը չեն գիտեր :

Տառապանքը կ'ապրին և տառապանքը ի՞նչ
է կը հարցնեն :

Ուր ամէնը, մեծ, պզտիկ, դանդաշել չեն
գիտեր, կեանքի գրերը քով քովի բերել, համբել
ալ, կապել ալ գիտեն :

Այն աշխարհը պիտի երթամ Աստուած : Այն
աշխարհը ուր գեղեցիկ արե՛ւ կայ . . . :

Գեղեցիկ լեռներ, աննման դաշտեր, արաեր,
սրօտներ, մարմանդներ :

Հրաշալի աղբիւրներ կան, գետեր կը հոսին,
տառակներ կը վազեն աստղերու պէս մաքուր . . . :

Այդ աշխարհը պիտի երթամ :
 Չիչեցի՞ր Աստուած :
 Այն Աշխարհը ուր Սիրավարդը ծնաւ . . . :
 Ճի՛շդ այդ աշխարհը , Աստուած .
 Հայաստան . . .
 Կ'երթամ Հայաստան . . .



ԵՐԹԱՅ ԲԱՐՈՎ...

Չկա՞յ աշխարհ մը ուր մարդը ճիշդ ու ճիշդ
 քու հոգին ունենայ , Աստուած .

Որդերու եղբայր չըլլայ , ըլլայ ասողերու .
 սարուկը չըլլայ կաւին այլ աղատ զաւակը եր-
 կրնքին :

Գորանիւրիուր չճանչնայ , օծուի յարգողին
 շաղովը և սրբուի արեւուն սիւժանելիովը : Չը-
 ճանչնայ ո՛չ թրթուրներու լորձունքի պատասուր ,
 ոչ ալ հրեայի կրպակը : Վերջալոյսի տօնավաճա-
 ուէն հազնի , ամպերու սնդուսէն շինուած և ա-
 րեւին եօթը գոյներովը ներկուած :


Ծղրիթներու և ձպուսներու կռինչը անգի-
 տանայ . ասուսներու օրօրը միայն գիտնայ :

Աշխարհ մը ուր աչքը հորիզոն չունենայ և
 հոգին տարաամոթիւն , ուր մարդը օրը քանի մը
 սնգամ քեզի հետ միասին , Աստուած , միւսնոյն
 աւազանին մէջ ժամէ ելլէ :

Քո՛ւ աշխարհը երթամ...

Քո՛ւ աշխարհը... թո՛ղ տուր , երթամ , Ասա-
 ուած , երթամ , երթամ քու աշխարհը .

Երթամ Հայաստան . . .



ԵՐԹԱՅ ԲԱՐՈՎ . . .

Անունս փոխեցին զբին խաբէութիւն. ես այս աշխարհէն կ'երթամ, Աստուած:

Յոգնած ուղեւոր կրտսմ, նստէ սա մարմանդին թաւիչին վրայ պահիկ մը շունչ առ:

— Փուշերէն մարմինս արիւնոտեցաւ, ի՛նչ տատակոտ տեղ էր հոս, կը քրթմնջէ հայհոյելով: Պատակերս ես, աղբիւր քեզի, վճիտ, պաղպաղուն աղբիւր՝ խմէ՛:

— Մարմինս թունաւորուեցաւ, գաղջ, պղտոր ու նեխած ջուր խմեցի: նախատելով կ'երդուրննայ:

Կը մտիս, բոցկլտուն կրակի թեզով կրակարան մը անաւասիկ քեզի:

Յանուն Յիսուսի խաչ կը հանէ որ կայծ մը անգամ չի պղպար, կրակարանին մէջ մոխիր կայ մինակ:

Ձեփի՛ւռ, փչէ՛ այնպէս թեթև որ համբոյրի պէս զգայ երեսին, խեղճ քրտնած ուխտաւորը:

Ու զեփիւռը, զգուական ու համբուրտ, կը փչէ:

— Քիչ մնաց որ անդունդէն վար դահավիժէր զիս սոսկալի ամպրոպը, կը յարէ դող ելած:

Դէպի երկինք կը տանի քեզ այս սանդուխը, աստղերուն մէջ կը փախադրուիս անով. դի՛ր ոտքդ առաջին սանդխամատին վրայ և բարձրացիր:

— Խորխորատը ինկայ, կը պոռայ և յուսահատութեան աղաղակներէն մարմին չկայ որ չըփրչաքաղուի և սիրա՝ որ չկեղեքուի:

Արեւը տես,

— Սև ամպ մը. հիմա կարկուտ պիտի տեղայ:

Ի՛նչ աղուոր ցերեկ, լուսաւոր ցերեկ:

— Խաւարաչին գիշեր, կայծոռիկ մ'անգամ չկայ:

Ծառերը հեշտօրօր կ'օրօրուին:

— Կախաղանները շրո՛ւնն են, կը հարցնէ. Չէ՛, Աստուած, այս եղանակով զուր տեղը կը ջանամ: Ես կ'երթամ աշխարհ մը ուր անհաւատութիւն չկայ:

Կ'երթամ Հայաստան . . .



ԵՐԹԱՅ ԲԱՐՈՎ . . .

Տկարութեանս չտաս ,
Անսահման զգուանքիս ու զարշանքիս սուր .
Տկար . .

Ո՛չ ազուա մնաց , ոչ բազէ . ո՛չ ադուէս , ոչ
գայլ . ո՛չ կարիճ , ոչ տղրուկ . ո՛չ որդ , ոչ դօ-
դօշ . ամէնը , ամէնը խորտակեցի :

Լոյս արեւին տակ չունեցայ թշնամի մը որմէ
ես սարսափ գգայի . արեւին տակ , որովհետեւ ա-
մէն բան վերջապէս սրբութիւն մը ունէր և անով
կրնայ շանթահարել իսկոյն որ ուզեցի , ամէն բան ,
Աստուած :

Անյայտ թշնամին , արեւին անթափանցելի
անանուն սովանքը , օձախլո՛ւրդը , այն որուն
մէկ նայուածքէն վարդը իր հոտը կը կորսնչնէ և
աստղը իր լոյսը , աղբիւրը իր գգըչիւնը կը մոռ-
նայ , ճնճգուկը իր երգը , կ'ուրանայ իր թը-
ռիչքը արծիւր և ծառը իր կանաչութիւնը .
միայն ա՛ն մնայ անխոցելի թշնամի :

Ստորերկրեայ շարութիւնը . . . արեւինը չէր
որ նշանախեց մը սրբութիւն ունենար . հողին ու
մութին աղտոտ զաւակն էր սն :

Եւ գիշեր ցորեկ , աչքերուս զիմաց , այդ դե-
ղին նողկանքը , անպատու սրտխառնուքը . . .

Աստուած , Աստուած ,

Անէ՛ծքով կը հեռանամ , կ'երթամ , Աստուած :

Անվերազարձ կ'երթամ հեռու , հեռու , աչ-
խարճ մը :

Կ'երթամ աչխարճ մը ուր թուրք չկայ կ'եր-
թամ Հայաստան . . .



ԵՐՔԱՅ ԲԱՐՈՎ...

Կ'երթամ' Աստուած...

Դուք այս աշխարհէն, եւ կ'երթամ ուրիշ աշխարհ:

Հոս առաքելութիւնս նուիրական բայց առաքելութեանս գործիքը անպիտան.

Անարդ նիւթեղէն անօթ. հոգին քու հոգիէդ է ինչ ընեմ.

Իւզը քու ճրագին իւղէն, գայն պարփակող անօթը ստորին կառէ է. ինչ ընեմ.

Անօթ մը որուն պատերը արեւին սկուտեղին պէս մաքուր ըլլան, թափանցիկ. լոյսը յորդի մէջէն բնութեանը մէջ աչնպէս ինչպէս որ է. առնելով ու անխառն.

Ո՛ւր շինեմ եւ գայն.

Տարբերը ո՛ւր գտնեմ եւ.

Երազներուս մէջ քանի՛ քանի անգամներ ըսեր եւ գուն ինծի.

Անունը գիտեմ եւ այն աշխարհին.

Կ'երթամ հոն իմ անօթս շինելու, անով իմ առաքելութիւնս կատարելու.

Տեսնես, Աստուած, հո՛ն, իմ նոր կերտած բիւրեղին մէջէն հոգիդ ինչպէս պիտի ճառագայթէ:

Պղծուած է լոյսդ հոս, եւ կ'երթամ հո՛ն: Կ'երթամ, Աստուած, կ'երթամ մաքիւ աշխարհը, երազիս աշխարհը.

Կ'երթամ Հայաստան...:

ԵՐՔԱՅ ԲԱՐՈՎ

Մեղաւորներու աշխարհը որչափ ապրեցայ հերիք է, Աստուած, այսուհետեւ երթամ ապրիմ արգարներու աշխարհը, այն աշխարհը որ սփիւրջ ինչ է անգիտանայ: Մարդասպաններ չգտնուին այնտեղ, հոն մարդը իր նմանին յարգանք ունենայ: Աստուած չըլլայ:

Սէր ամէն տեղ: Ամէն վայրկեան մարդը երջանկութեան ծայաւը ունենայ, և իր նմանին սիրոյն մէջ յագեցնէ գայն: Ո՛չ անուշով, ո՛չ մականուշով ծուլութիւն, բռնութիւն, գողութիւն ծանօթ չըլլան: Ժիր աշխատանքը ու անոր արդար վարձքը նշանարանը ըլլայ ամենուն և օրէնքը: Անբարոյականութիւն, պոռնկութիւն երբեք, երբեք չըլլան: Մաքուր ըլլան բոլորին հոգիները աստղերու լոյսին պէս: Նինգութեան կեղծիքի, խարերայութեան և խարդախութեան շուքն անգամ գոյութիւն չունենայ ոչ սրի սրտին և մտքին ծալքերուն վրայ: Սիրտ և միտք, սիրոյ, պարտականութեան և իրաւունքի նուիրատուրը զգացումներով լեցուած ըլլան միայն:

Երթամ այդ աշխարհը...

Առաքինիներու, արդարներու, մաքուր սիրտերու, աստղավճիտ հոգիներու աշխարհը:

Գերազդոյն, գեղեցիկ աշխարհը, Աստուած, կ'երթամ Հայաստան...:

ԵՐՔԱՆ ԲԱՐՈՎ...

Կ'երթան... .

Բարի' երթան... .

Ազգանշանը արեւը առաւ, առաջինը ան էր էր որ ծրարը կապեց, հանգրիճեց մինչև պորար մնաւ քղանցքները, սլորեց ոսկի գիսամիները, թագը դրաւ գլուխը, կանչեց նաւաւարը, նստաւ նաւակը առագաստին չորս թեւերը լանալ առաւ հովին և աշխարհներու վրայէն, ծովերու մէջէն սրտցու, գնաց, հեռու, հեռու, ուրիշ աշխարհ մը. գետերով, դաշտերով, լեռներով, մարդերով ուրիշ աշխարհ մը. .

Արեւին ետեւէն հիւսա իրենք է որ կ'երթան, աստղերը. .

Թափօ՛ր, թափօր, ուխտաւորներու կարաւաններու հանդիսաչուք վայելչութեամբ, կ'երթան, կ'երթան... .

Կեցէ՛ք.

Ո՛ւր կ'երթաք:

Ոճիրի, ածօթի և նախատինքի այս աշխարհին վրայէն ո՛ւր կ'երթաք:

Տանջանքի արիւնի ու հեծկլտանքի եղերաւժարն է հոս. կեցէ՛ք:

Ստորին դաւերու. կեղծաւոր խոստումներու,

սուտ սուտ երդումներու, ամօթալի գայթակղութիւններու, բոլոր, բոլոր գազանի մեղքերու վըհաները դո՛ւք էք, կեցէ՛ք որ վկայէք.

Ո՛ւր կ'երթաք

Կ'երթան... .

Աստղերը... .

Թափօ՛ր, թափօ՛ր, ուխտաւորներու հանդիսաչուք վայելչութեամբ կ'երթան, կ'երթան... .

Դէպի՛ Հայաստան... .

Գոցէ՛ք, գոցէ՛ք,

Հազար բարով երթաք.

Հազար բարով երթաք Հայաստան... .



ԵՐԹԱՅ ԲԱՐՈՎ

Ատառա՛ծ ,

Սարսափելի ու քառմնելի է , ո՛ւր կ'երթաս .
Երկինքները թափուր ձգած ո՛ւր կ'երթաս , Ատ-
առա՛ծ :

Տու՛ն , պիտի տան նորէն անունդ . յանուն
անունիդ ողջակէզ պիտի ընեն նորէն կեցի՛ր որ
արինահասութիւն գիտես : Մէկ չէ , երկուք չեն ,
բիւր բիւրաւորներ . բիւր բիւրաւոր հոգիներու
ողջակէզը կեցիր որ գիտես :

Քաղաքներու կործանումը , բազմաչէն աւան-
ներու քանդուփլուզումը , երիտասարդ գա՛ կերու
հրդեհը աչքերդ չպիտի տեսնեն և ձենձերի հոտ
ուռնգերդ երբեք չպիտի զգան , գիտցած եղիր .

Մի՛ երթար , Ատառա՛ծ :

Անցիշաչարութեանդ , ներողամտութեանդ ալ
պէտք պիտի ունենան , կեցի՛ր որ ներես ու թու-
ղութիւն տաս բոլոր ստողներուն , հայհոյողնե-
րուն , ստողներուն ու չնացողներուն :

Խորաններուդ լուսավառութիւնը մեղքերու
քաւութեան համար է . կեցի՛ր որ ամէն բոպէ և
ամէն վայրկեան մեղքեր քաւես .

Մի՛ երթար , Ատառա՛ծ :

Երթաս , ալ մեղքերու քաւութիւն չպիտի
ընես . գիտցած ըլլաս .

Մի՛ երթար .

Երթաս ,

Ալ սրտմտութիւն չպիտի ունենաս , ո՛չ
չանթ , ոչ սրտու՛մ . դառնութիւն չպիտի ունե-
նաս , ո՛չ ամպ , ոչ կարկուտ . սարջանք չպիտի
ունենաս , ո՛չ գորտ . ոչ թրթուր . զգուանք չպի-
տի ունենաս , ոչ խող , ոչ բորենի . քէն ու սրբ-
գողանք չպիտի ունենաս , ո՛չ բու , ոչ չղջիկ :

Կեցի՛ր ,

Մի՛ երթար , Ատառա՛ծ

Գուն գիտես , Ատառա՛ծ ես , չե՛մ . խառնուիր
քեզի :

Կ'ուզես երթալ աշխարհ մը որ ո՛չ գայրոյթիդ
չանթն ու որոտու՛մը գիտէ ոչ դառնութեանդ
ամպն ու կարկուտը . ոչ զղջումիդ գորան ու
թրթուրը , ոչ յուսահաստութեանդ թուրքն ու
թաթարը . ո՛չ զղուանքիդ խողն ու բորենին , ոչ ալ
քէնիդ բուն ու չղջիկը :

Գնա՛ , Ատառա՛ծ .

Նորատեղծ կոյս աշխարհը . . .

Սրտիդ ու հոգիիդ միակ գեղեցիկ ըզձալի
աշխարհը .

Գնա՛ Հայաստան . . .



ԴՈՒՆ ԱԼ ԻՆՏԻ ԸՍԷ, ՔՈՅՐ.

ԵՐԹԱՍ ԲԱՐՈՎ...

Արեւին ետեւէն, աստղերուն ետեւէն, Աստուծոյ ետեւէն սուբալով կ'երթամ, քոյր, ես ալ :
Կ'երթամ յամատութեան, արգարութեան և առաքինութեան, յոյսի և հաւատքի աշխարհը...
Ե՛ս ալ անոնց բնակակից, աստղերուն, լուսինին, արեւուն և Աստծուն բնակակից դառնալու կ'երթամ, քոյր :

Կ'երթամ, հօյ, հօյ, լուսինին աշխարհը արեւուն ու աստղերուն, Աստուծոյ աշխարհը...

Մեռնիմ այդ աշխարհին հողին ու ջրին, ըսէ՛, քոյր :

Է՛ս աշխարհ, արեւ աշխարհ, աստղափառ աշխարհ, աստուածաշնչը աշխարհ...

Մեռնիմ հողին ու ջրին, ըսէ՛, քոյր.

Հօյ, հօյ. արգարութեան աշխարհը...

Բարութեան, ազատութեան և ստեղծագործութեան աշխարհը ..

Մեռնիմ այդ աշխարհին հողին ու ջրին, ըսէ՛, քոյր

Կ'երթամ, քոյր. վազելով, սուբալով կը սրանամ, կ'երթամ այն աշխարհը.

Ըսէ՛, երթաս բարով այդ աշխարհը.

Ըսէ՛, քոյր, ըսէ՛,

Երթաս բարով Հայաստան...

1919.

© ՎԵՐԶ ©




ՎԱՃԱՌՄԱՆ ԿԵԴՐՈՆԱՏԵՂԻՆԵՐ
Հեղինակին խղ. Իսկիսար Պերպերեան Վրժբ.

ԵՒ ԿԱՄ

Կ. Պոլիս, Չազմագնրլար թիւ 50

Ս. ԳԱԲԱՄԱՃԵԱՆ ԳՐԱՏՈՒՆ



ԳԻՆ 25 ՂՐՈՒՇ

16102

2013

